

MINKANETE I

1 Adam, Seth, Énosch, 2 Kénan, Mahalaleel, Jéred, 3 Hénoc, Metuschélah, Lémec, 4 Noé, Sem, Cham, a Japhet.

5 Bone be Japhet: Gomer, a Magog, a Madaï, a Javan, a Tubal, a Méschec, a Tiras. 6 A bone be Gomer: Aschkenaz, a Diphath, a Togarma. 7 A bone be Javan: Élischa, a Tarsisa, Kittim, a Rodanim.

8 Bone be Cham: Cusch, a Mitsraïm, Puth, a Canaan. 9 A bone be Cusch: Saba, a Havila, a Sabta, a Raema, a Sabteca. A bone be Raema: Séba a Dedan. 10 Ane Cusch a nga biaé Nimrod; nnye ate a nga taté bo éwôlô mô̄t si nyô. 11 Ane Mitsraïm a nga biaé Ludim, a Anamim, a Lehabim, a Naphtuhim, 12 a Patrusim, a Casluhim (vôm ate Bephilistin be nga so), a Caphtorim. 13 Ane Canaan a nga biaé Sidon ntôle mone wé, a Heth, 14 a Bejébusien, a Beamoréen, a Beguirgasien, 15 a Behévien, a Bearkien, a Besinien, 16 a Bearvadien, a Betsemarien, a Behamathien.

17 Bone be Sem: Élam, a Assur, a Arpacschad, a Lud, a Aram, a Uts, a Hul, a Guéter, a Méschec. 18 Ane Arpacschad a nga biaé Schélach, a Schélach a nga biaé Héber. 19 Bo be fam bebaé be nga bialé be Héber: wua a mbe jôé na Péleg; amu melu a nga to si é nga kaban; a monyañe wé a mbe jôé na Jokthan. 20 Ane Jokthan a nga biaé ALmodad, a Schéleph, a Hatsarmaveth, a Jérach, 21 a Hadoram, a Uzal, a Dikla, 22 a Ébal, a Abimaël, a Séba, 23 a Ophir, a Havila, a Jobab. Balé bete bese be mbe bone be Jokthan.

24 Sem, Arpacschad, Schélach, 25 Héber, Péleg, Rehu, 26 Serug, Nachor, Térach, 27 Abram (nnye ate a ne Abraham).

28 Bone be Abraham: Isaac a Ismaël. 29 Miaé miap mi ne na; ntôle mon Ismaël, Nebajoth ; éyoñ éte Kédar, a Adbeel, a Mibsam, 30 Mischma, a Duma, Massa, Hadad, a Téma, 31 Jethur, Naphisch, a Kedma. Bone be Ismaël, mbe le.

32 A bone be Ketura, minga Abraham ba nye be mbe te nya nlu'ane: a nga biaé Zimran, a Jokschan, a Medan, a Madian, a Jischbak, a Schuach. A bone be Jokschan: Séba a Dedan. 33 A bone be Madian: Épha, a Épher, a Hénoc, a Abida, a Eldaa. Balé bête bese be mbe bone be Ketura.

34 Ane Abraham a nga biaé Isaac. Bone be Isaac: Esaü a Israël.

35 Bone be Esaü: Élip haz, Reuel, a Jeusch, a Jaelam, a Koré. 36 Bone be Élip haz: Théman, a Omar, Tsephi, a Gaetham, Kenaz, a Thimna, a Amalek. 37 Bone be Reuel: Nahath, Zérach, Schamma, a Mizza.

Rev. Matthias

Secrétaire Général

38 A bone be Séir: Lothan, a Schobal, a Tsibeon, a Ana, a Dischon, a Etser, a Dischan. 39 A bone be Lothan: Hori ba Homam; a Thimna a mbe kale Lothan. 40 Bone be Schobal: Aljan, a Manahath, a Ébal, Schehi, a Onam. A bone be Tsibeon: Ajja ba Ana. 41 Bone be Ana: Dischon. A bone be Dischon: Hamran, a Eschban, a Jithran, a Keran. 42 Bone be Etser: Bilhan, a Zaavan, Jaakan. Bone be Dischan: Uts ba Aran.

43 Bana be ne bejô bôt be nga jôô si ya Édom, éyoñ éte bone be Israël be ngenan te bi njô bôt a jôô be: Béla mone Beor; a nname wé ô mbe jôé na Dinhaba. 44 Ane Béla a nga wu, a Jobab mone Zérach, mote ya Botsra, a nga jôô éto jé. 45 Ane Jobab a nga wu, a Huscham, môte ya si ya Bethémanite, a nga jôô éto jé. 46 Ane Huscham a nga wu, a Hadad mone Bedad, nyô a nga bôé Madian mfa'a ya afupe Moab, a nga jôô éto jé; a nname wé ô mbe jôé na Avith. 47 Ane Hadad a nga wu, a Samla mote ya Masréka a nga jôô éto jé. 48 Ane Samla a nga wu, a Saül mote ya Rehoboth ya mfôm Osôé a nga jôô éto jé. 49 Ane Saül a nga wu, a Baal-Hanan mon Acbor a nga jôô éto jé. 50 Ane Baal-Hanan a nga wu, a Hadad a nga jôô éto jé; a nname wé ô mbe jôé na Pahi: a jôé minga wé é mbe na Mehéthabeel, ngone Mathred, ngone Mézahab. 51 Ane Hadad a nga wu.

Bivete ya Édom bi mbe na: Thimna évet, Alja évet, Jetheth évet, 52 Oholibama évet, Éla évet, Pinon évet, 53 Kenaz évet, Théman évet, Mibtsar évet, 54 Magdiel évet, Iram évet. Bivete ya Édom, mbie bite le.

2 Bana be ne bone be Israël: Ruben, Siméon, Lévi, a Juda, Issacar, a Zabulon, 2 Dan, Joseph, a Benjamin, Nephtali, Gad, a Aser.

3 Bone be Juda : Er, a Onan, a Schéla; belale bête mbe ngone Schua minga Cananéen a nga biaé nye. Ane Er, ntôle mone Juda, a mbe abé mise me Jehova; ane a nga wôé nye. 4 Ane Tamar mbome wé a nga biaé nye Pérets ba Zérach. Bone be Juda bese be mbe betan.

5 Bone be Pérets : Hetson a Hamul. 6 Bone be Zérach: Zimri, a Éthan, a Héman, a Calcol; a Dara; bese be mbe betan. 7 A bone be Carmi: Acar, nyô a nga ndeñele Israël, nyô a nga tyam atiñ mfa'a ya jôm é mbe ntiñetane ya jañ. 8 A bone be Éthan: Azaria.

9 Nalé fe bone be Hetsron, ba be nga bialé be nye: Jerachmeel, a Ram, a Kelubaï. 10 Ane Ram a nga biaé Amminadab, a Amminadab a nga biaé Nachschon, évete ya bone be Juda; 11 a Nachschon a nga biaé Salma, a Salma a nga biaé Boaz, 12 a Boaz a nga biaé Obed, a Obed a nga biaé Isai; 13 a Isai a nga biaé Éliab ntôle mone wé, a Abinadab nyô baa, a Schimea nyô lale, 14 Nethaneel nyô nyini, Raddaï nyô tane, 15 Ostsem nyô samane, David nyô zañbwale; 16 a bekale bap be mbe na, Tseruja ba

Abigaïl. A bone be Tseruja: Abischaï, a Joab, a Asaël, bela. 17 Ane Abigaïl a nga biaé Amasa; a ésa Amasa a mbe Jéther mon Ismaélite.

18 Ane Caleb mone Hetsron a nga biaé bon be Azuba minga wé, a be Jerioth; bana be mbe bone bé: Jéscher, a Schobab, a Ardon. 19 Ane Azuba a nga wu, a Caleb a nga nyoñ Éphrath, nnye a nga biaé nye Hur. 20 Ane Hur a nga biaé Uri, a Uri a nga biaé Betsaleel.

21 Mvuse valé Hetsron a nga ke bômbô ngone Makir ésa Galaad, nnye ate a nga luk éyoñ a mbe mimbu mewôm mesaman; a minga ate a nga biaé nye Segub. 22 Ane Segub a nga biaé Jaïr, nyô a nga bili minlam mewôm mebaé a mila si ya Galaad. 23 Ane Gueschur ba Aram be nga wôlé be minlam mi Jaïr, a Kenath, a male ya été, minlam mewôm mesaman. Balé bete bese be mbe bone be Makir, ésa Galaad. 24 Eyoñ éte Hetsron a maneya wu Caleb-Éphratha, Abija nga Hetsron a nga biaé nye Aschchur ésa Tekoa.

25 Bone be Jerachmeel ntôle mone Hetsron be mbe na, Ram ntôle mon; a Buna, a Oren, a Otsem, Achija. 26 Ane Jerachmeel a nga bili minga mfe, a to jôé na Athara: nnye ate a mbe nyia Onam. 27 Bone be Ram ntôle mone Jerachmeel be mbe na, Maats, a Jamin, a Éker. 28 Bone be Onam be mbe na, Schammaï ba Jada. A bone be Schammaï: Nadab ba Abischur. 29 Nga Abischur a mbe jôé na Abichaïl; nnye ate a nga biaé nye Achban ba Molid. 30 A bone be Nadab: Séled ba Appaïm; ve Séled a nga wu te bon. 31 A bone be Appaïm: Jischeï. A bone be Jischeï: Schéschan. A bone be Schéschan: Achlaï. 32 A bone be Jada monyañe Schammaï: Jéther ba Jonathan; a Jéther a nga wu te bon. 33 A bone be Jonathan: Péleth ba Zaza. Bone be Jerachmeel, mbe bête le. 34 Nde Schéschan a nji bi bo be fam, ve bengon. Ane Schéschan a nga bili mbo ésaé, mon Égyptien, a to jôé na Jarcha. 35 Ane Schéschan a nga ve Jarcha mbo ésaé wé ngo jé, a luk; nje éte é nga biaé nye Attaï. 36 Ane Attaï a nga biaé Nathan, a Nathan a nga biaé Zabad, 37 a Zabad a nga biaé Ephlal, a Ephlal a nga biaé Obed, 38 a Obed a nga biaé Jéhu, a Jéhu a nga biaé Azaria, 39 a Azaria a nga biaé Halets, a Halets a nga biaé Élasa, 40 a Elasa a nga biaé Sismaï, a Sismaï a nga biaé Schallum, 41 a Schallum a nga biaé Jekamja, a Jekamja a nga biaé Élischama.

42 Bone be Caleb monyañe Jerachmeel be mbe na, Méscha ntôle mone wé, nyô a mbe ésa Ziph; a bone be Maréscha ésa Hébron. 43 A bone be Hébron: Koré, a Thappuach, a Rékem, a Schéma. 44 Ane Schéma a nga biaé Racham, ésa Jorkeam; a Rékem a nga biaé Schammaï. 45 Mone Schammaï a mbe na, Maon; a Maon a mbe ésa Beth-Tsur. 46 Ane Épha, minga Caleb ba nye be mbe te nya nlu'ane, a nga biaé Haran, a Motsa, a Gazez; a Haran a nga biaé Gazez. 47 A bone be Jahdaï : Réguem, a Jothan, a Guéschan, a Péleth, a Épha, a Schaaph. 48 Ane Maaca, minga Caleb ba nye be mbe te nya nlu'ane, a nga biaé Schéber ba Tirchana. 49 A nga biaé fe Schaaph ésa Madmanna, Scheva ésa Macbéna, a ésa Guibea; a ngone Caleb é mbe Acsa.

50 Bane be mbe bone be Caleb, mone Hur, ntôle mone Éphrata: Schobal ésa Kirjath-Jearim, 51 Salma ésa Bethléhem, Hareph ésa Beth-Gader. 52 Ane Schobal ésa Kirjath-Jearim a nga bili bo be fam: Haroé, éfase ya Bemenuhoth. 53 A menda me bôte ya Kirjath-Jearim: Bejéthrien, a Beputhien, a Beschumathien, a Bemischaraïen; a Betsoreathien ba be Beeschthaolien be nga so be be. 54 Bone be Salma: Bethléhem a Benéthophatien, Athroth-Beth-Joab, a éfase ya Bemanachthien, Betsoreïen. 55 A menda me bôte ya betili bekalate be nga to Jaebeths: Bethireathien, Beschimeathien, Besucathien. Bekénien be nga so be Hamath, ésa nda bôte ya Récab, mbe bête le.

3 Bana be ne bone be David, be nga bialé be ne Hébron: ntôle mon, Amnon, be Achinoam ngone ya Jizreel; nyô baa, Daniel, be Abigaïl ngone ya Carmel; 2 nyô lale, Absalom mone Maaca ngone Talmaï njô bôte ya Geschur; nyô nyini, Adonija mone Haggith; 3 nyô tane, Schephatia be Abithal; nyô samane, Jithream be Égla minga wé: 4 besaman be nga bialé be nye Hébron; a vôm ate a nga jôô bôt mimbu zañbwa a ngon é saman. Ane a nga jôô bôt Jérusalem mimbu mewôm mela a mila; 5 a bana be nga bialé be nye Jérusalem: Schimea, a Schobab, a Nathan, a Salomon, benyin, be Bath-Schua ngon Ammiel; 6 a Jibhar, a Élischama, a Éliphéleth, 7 a Noga, a Népheg, a Japhia, 8 a Élischama, a Éliada, a Éliphéleth, ébu. 9 Balé bête bese be mbe bo be fam be David, te lane bo be fame ya binga ba be nye be mbe te nya nlu'ane; a Tamar a mbe kale jap.

10 Mone Salomon a mbe na, Roboam, mone wé Abija, mone wé Asa, mone wé Josaphat, 11 mone wé Joram, mone wé Achazia, mone wé Joas, 12 mone wé Amatsia, mone wé Azaria, mone wé Jotham, 13 mone wé Achaz, mone wé Ézéchias, mone wé Manassé, 14 mone wé Amon, mone wé Josias. 15 A bone be Josias: ntôle mon Jochanan, nyô baa Jojakim, nyô lale Sédécias, nyô nyini Schallum. 16 A bone be Jojakim: mone wé Jéconias, mone wé Sédécias. 17 A bone be Jéconias, mon nkôm: mone wé Schealthiel, 18 a Malkiram, a Pedaja, a Schénatsar, Jekamia, Hoschama, a Nedabia. 19 A bone be Pedaja: Zorobabel ba Schimeï. A bone be Zorobabel: Meschullam ba Hanania; a Schelomith a mbe kale jap; 20 a Haschuba, a Ohel, a Bérékia, a Hasadia, Juschab-Hésed, betan. 21 A bone be Hanania: Pelathia ba Ésaïe; bone be Rephaja, bone be Arnan, bone be Abdias, bone be Schecania. 22 A bone be Schecania. A bone be Schemaeja: Hattusch, a Jiguel, a Bariach, a Nearia, a Schaphath, besaman. 23 A bone be Nearia: Eljoénaï, a Ézechais, a Azrikam, bela. 24 A bone be Eljoénaï: Hodavia, a Éliaschib, a Pelaja a Akkub, a Jochanan, a Delaja, a Anani, Zañbwa.

4 Bone be Juda: Perets, Hetsron, a Carmi, a Hur, a Schobal. 2 Ane Reaja mone Schobal a nga biaé Jachath; a Jachath a nga biaé Achumaï ba Lahad. Menda me bôte ya Betsoreathien, mme mete le. 3 A bana be mbe bone be ésa Étham: Jizreel, a

Jischma, a Jidbasch; a jôé kale jap e mbe na Hatselelponi; 4 a Penuel ésa Guedor, a Ézer ésa Huscha. Bone be Hur, mbe bete le, ntôle mon Éphrata, ésa Bethléhem. 5 Aschchur ésa Tekoa a nga bili binga bebaé, Hélea ba Naara. 6 Ane Naara a nga biaé nye Achuzzam, a Hépher, a Thémeni, a Achaschthari. Bone be Naara, mbe bete le. 7 A bone be Hélea be mbe na, Tséreth, Jitschar, a Ethnan. 8 Ane Kots a nga biaé Anub, a Hatsobéba, a menda me bôte ya Acharchel mone Harum. 9 Jaebets a mbe duma a dañe bobenyañe bé: ane nyia wé a nga yôlé nye jôé na Jaebets, a jô na, Amu me nga biaé nye a ôlun. 10 Ane Jaebets a nga loene Zambe ya Israël, a jô na, Ngo'o nge ô ne fo'o botane ma, a nene minné miam, a na, wo wôé w'aye tabe be ma, a wo ô ne kame me mfa'a ya abé, e bo te ve me ôlun! Ane Zambe a nge ve nye mam a nga ja'é. 11 Ane Kelub, monyañe Schucha a nga biaé Mechir, nyô a mbe ésa Eschthon. 12 Ane Eschthon a nga biaé Beth-Rapha, a Paséach, a Thechinna ésa Jir-Nachasch. Befame ya Réca, mbe bete le. 13 A bone be Othniel: Hathath. 14 Ane Meonothaï a nga biaé Ophra: a Seraja a nga biaé Joab ésa Guecharaschim; amu be mbe mintyetyeñ. 15 A bone be Caleb mone Jephunné: Iru, Éla, a Naam; a bone be Éla; a Kenaz. 16 A bone be Jehalléleel: Ziph, a Zipha, Thirja, a Asareel. 17 A bone be Esdras: Jéther, a Méred, a Épher, a Jalon; ane minga ate a nga biaé Miriam, a Schammaï, Jischbach ésa Eschthemoa. 18 Ane minga wé a mbe ngone Bejuif a nga biaé Jéred ésa Guedor, a Héber ésa Soco, a Jekuthiel ésa Zanoach. Balé bête be ne bone be Bithja ngone Pharaon, nyô Méred a nga nyoñ. 19 Bone be nga Hodija, kale Nacham, be mbe ésa Kehila mone Garmien, a Eschthemoa mone Maacathien. 20 A bone be Simon: Amnon, a Rinna, Ben-Hanan, a Thilon. A bone be Jischeï: Zocheth ba Ben-Zocheth. 21 Bone be Schéla mone Juda: Er ésa Léca, a Laeda ésa Maréscha, a menda me bôte ya nda bôte ya ba be nga bo be bo' ésaé ya nya ndomboo, ba ya nda bôt Aschbéa; 22 a Jokim, a befame ya Cozéba, a Joas, a Saraph, nyô a nga jôô mfa'a ya Moab, a Jaschubi-Léchem. Mintilan mi ne minnôm. 23 Balé bete be mbe bemé meziek, ba be bôt be nga to Nethaim a Guedéra: be nga tabe vôm ate be njô bôt amu ésaé jé.

24 Bone be Siméon: Nemuel, a Jamin, Jarib, Zérach, Saül; 25 Schallum mone wé, Mibsam mone wé, Mischma mone wé. 26 A bone be Mischma: Hammuel mone wé, Zaccur mone wé, Schiemeï mone wé. 27 Schiemeï a nga bili bo be fam awôm a besaman, a bengone besaman; ve bobenyañe bé be nji bi bon abui, nalé fe nda bôte jap ése é nji fôé aval ane bone be Juda. 28 Ane be nga tabe Beer-Schéba, a Molada,

a Hatsar-Schual, 29 a Bilha a Etsem, a Tholad, 30 a Bethuel, a Horma, a Tsiklag, 31 a Beth-Marcaboth, a Hatsar-Susim, a Beth-Bireï, a Schaaraim. Mili mite mi mbe minlam miap akekui melu David a nga jôô 32 Male map me mbe na, Étham, a Aïn, Rimmon, a Thoken, a Aschan, minlam mitan; 33 nalé fe male map mese me nga to minlam mite nmbôma'ane, akekui Baal. Bitaba'a biap mbie le, a be bili bindane biap. 34 A Meschobab, a Jamlec, a Joscha mone Amatsia, 35 a Joël, a Jéhu mone Joschibia, mone Seraja, mon Asiel, 36 a Eljoénaï, a Jaakoba, a Jeschochaja, a Asaja, a Adiel, a Jesimiel, a Benaja, 37 a Ziza mone Schipheï, mon Allon, mone Jedaja, mone Schimri, mone Schemaeja—38 balé bete be ne ntotane môé be mbe bivet menda me bôte map été: a menda beésa bap me nga fôé abui. 39 Ane be nga ke akui anyine Guedor, akekui mfa'a nje'ese ya jôp d'atôô, be jeñe mimbam mintômba miap bidi. 40 Ane be nga koé mbamba bidi bi ne mvaé, a si éte é mbe anen, a ne mieññ, a mvo'é; amu ba be nga taté tabe été be mbe ba ya Cham. 41 Nde ba be ne ntilane môé bete be nga zu melu me Ézéchias njô bôte ya Juda, a bôé menda bindelé map, a Bemaonite be nga yené vôm ate, a jiane be ne meñ azukui môse wu, a tabe éto jap; amu bidi ya mimbam mintômba miap bi mbe vôm ate. 42 Ane bevo'o ya été, ba ya bone be Siméon, bôte mintete mitan, be nga ke nkôle Séir, bivete biap bi to na, Pelathia, a Nearia, a Rephaja, a Uziel, bone be Jischeï. 43 Ane be nga bôé mebuka'a me bôte ya Amalek be nga tup, a be tabeya vôm ate azukui môse wu.

5 A bone be Ruben ntôle mon Israël (amu a mbe ntôle mon; ve vôm a nga sem énoñ ésa, éto ntôle jé é nga vebane be bone be Joseph mon Israël; a éndan j'aye bo te lañeban é tñ éto ntô. 2 Amu Juda a nga dañ a tebe bobenyañe bé ôsu, a nlô môô nga so be nye; ve éto ntô é mbe jôme Joseph), 3 bone be Ruben ntôle mon Israël: Hénoc, a Pallu, Hetsron, a Carmi. 4 Bone be Joël: Schemaeja mone wé, Gog mone wé, Schimeï mone wé, 5 Michée mone wé, Reaja mone wé, Baal mone wé, 6 Beéra mone wé, nyô Tilgath-Pilnéser njô bôte ya Assyrie a nga ken nye nkôm: a mbe évete ya Berubénite. 7 A bobenyañe bé aval ane menda me bôte map me né, éyoñ éndane ya miaé miap é nga lañban: nyô ya ôsu, Jeïel, a Zacharie, 8 a Béla mon Azaz, mone Schéma, mone Joël, nyô a nga to Aroër, akekui Nebo a Baal-Meon: 9 mfa'a jôp d'atôô a nga tabe akekui anyine fé ataté ôsôé Euphrate, amu biyeme biap bi nga fôé

si ya Galaad. 10 Melu Saül a nga to, be nga wosane Behagarénien, mbe be nga wu a mo map; ane be nga tabe menda bindelé map été si se é ne Galaad mfa'a jôp d'atôô.

11 Ane bone be Gad be nga tabe be yat, mfa'a si ya Basan akekui Salca: 12 môte ya ôsu Joël, nyô baa Schapham, a Jaenai, a Schaphath mfa'a ya Basan. 13 A bobenyañe ya menda me bôte ya beésa bap be mbe na: Micaël, a Meschullam, a Schéba, a Joraï, a Jaecan, a Zia, a Éber, zañbwa. 14 Balé bête be mbe bone be Abaichaï, mone Huri, mone Jaroach, mone Galaad, mone Micaël, mone Jeschischaï, mone Jachdo, mone Buz; 15 Achi mon Abdiel, mone Guni, évete ya menda me bôte ya beésa bap. 16 Ane be nga tabe Galaad mfa'a ya Basan, a minlame ya été été, a biwom bi Saron bise été, nné ane minné miap. 17 Balé bête bese be nga lañeban ane bindane biap bi né melu me Jotham njô bôte ya Juda, a melu me Jéraboam njô bôte ya Israël.

18 Bone be Ruben, a Begadite, a éfas ayoñe Manassé, miñyôyo'o mi bôt, bôt be ne ngule ya be'e ében a nkpwaté mekôn, a wua bilaé, be to fe atyeñ mfa'a ya mewosan, be mbe bôt tañe betoyini mewôm menyin a benyin, mintete zañbwa a mewôm mesaman, ba be mbe ngule ya kôlô si a ke mewosan. 19 Ane be nga wosane Behagarénien, a Jethur, a Naphisch, a Nodab. 20 Ane be nga yen mvolan éyoñ be nga wosane be, a Behagarénien be nga vebane mo map, a ba bese be nga to be be; amu be nga loene Zambe mewosan été, ane a nga wô'ô be, amu be nga tabe mebun be nye. 21 Ane be nga sa biyeme biap; mfa'a ya bechameau bap, betoyini mewôm metan, a mfa'a ya mintômba, betoyini mintete mibaé a mewôm metan, a mfa'a ya bijakas, betoyini bebaé, a mfa'a ya bôt betoyini ntet. 22 Amu vôm ate bôt abui be nga wu, amu mewosane mete me nga so be Zambe. Ane be nga tabe éto jap akekui melu bôt be nga ke minkôm.

23 Ane bone ya éfas ayoñe Manassé be nga tabe si éte: be nga fôé ataté Basan akekui Baal-Hermon a Senir a nkôle Hermon. 24 Mina mi ne minlô mi bôte ya menda beésa bap: Éher, a Jischeï, a Éliel, a Azriel, a Jérémie, a Hodavia, a Jachdiel, biwôlô bi bôte ya ayok, bôte ya дума, minlô mi bôte ya menda beésa bap.

25 Ane be nga tyam metiñe me Zambe ya beésa bap, a bo bijabô ya tôñe bezambe be bôte ya si éte, mbe Zambe a nga jian asu dap. 26 Ane Zambe ya Israël a nga fô'ô nleme Pul njô bôte ya Assyrie, a nleme Tilgath-Pilnéser njô bôte ya

Assyrie, ane a nga ke be minkôm, Berubénite, a Begadite, a éfas ayoñe Manassé, a ke be Chalach, a Chabor, a Hara, akekui fe ôsôé ya Gozan, azukui môse wu.

6 Bone be Lévi: Guerschon, Kehath, a Merari. 2 A bone be Kehath: Amram, Jitsehar a Hébron, a Uziel. 3 A bone be Amram: Aaron, a Moïse, a Marie. A bone be Aaron: Nadab, a Abihu, Éléazar, a Ithamar. 4 Ane Éléazar a nga biaé Phinéés, Phinéés a nga biaé Abischua, 5 a Abischua a nga biaé Bukki, a Bukki a nga biaé Uzzi, 6 a Uzzi a nga biaé Zerachja, a Zerachja a nga biaé Merajoth, 7 a Merajoth a nga biaé Amaria, a Amaria a nga biaé Achithub, 8 a Achithub a nga biaé Tsadok, a Tsadok a nga biaé Achimaats, 9 a Achimaats a nga biaé Azaria, a Azaria a nga biaé Jochanan, 10 a Jochanan a nga biaé Azaria (nnye ate a nga ba'ale éto prêtre nda Salomon a nga loñe Jérusalem), 11 a Azaria a nga biaé Amaria, a Amaria a nga biaé Achithub, 12 a Achithub a nga biaé Tsadok, a Tsadok a nga biaé Schallum, 13 a Schallum a nga biaé Hilkija, a Hilkija a nga biaé Azaria, 14 a Azaria a nga biaé Seraja, a Seraja a nga biaé Jehotsadak; 15 a Jehotsadak a nga ke nkôm, éyoñ Jehova a nga ke Juda a Jérusalem minkôm a wo ya Nebucadnetsar.

16 Bone be Lévi: Guerschom, Kehath, a Merari. 17 mana me ne môé me bone be Guerschom: Libni ba Schimeï. 18 A bone be Kehath be mbe na, Amram, a Jitsehar, a Hébron, a Uziel. 19 Bone be Merari: Machli ba Muschi. Mana me ne menda me bôte ya Belévite aval ane menda me bôte ya beésa bap me né. 20 Be Guerschom: Libni mone wé, Jachath mone wé, Zimma mone wé, 21 Joach mone wé, Iddo mone wé, Zérach mone wé, Jeathraï mone wé. 22 Bone be Kehath: Amminadab mone wé, Koré mone wé, Assir mone wé, 23 Elkana mone wé, a Ebjasaph mone wé, a Assir mone wé, 24 Thachath mone wé, Uriel mone wé, Ozias mone wé, a Saül mone wé. 25 A bone be Elkana: Amasaï ba Achimoth. 26 Mfa'a ya Elkana, bone be Elkana: Tsophaï mone wé, a Nachath mone wé, 27 Éliab mone wé, Jerocham mone wé, Elkana mone wé. 28 A bone be Samuel: ntôle mone Joël, a nyô baa Abija. 29 Bone be Merari: Machli, Libni mone wé, Schimeï mone wé, Uzza mone wé, 30 Schimea mone wé, Hagguija mone wé, Asaja mone wé.

31 Bana be ne ba David a nga télé minlô ya ésaé ya yia bia nda Jehova été, éyoñ été éwolo é yeneya awo'an. 32 Nalé be nga bo ésaé ya yia bia asu tabernacle nda

éndelé ya bisulan, akekui Salomon a nga mane lôñ nda Jehova Jérusalem: ane be nga bo ésaé ya éto jap aval ane nkômane minsamba miap ô mbe. 33 Bana be ne ba be nga bo ésaé éte, a bone bap. Mfa'a bone ya Bekehathite: Héman ñyia bia, mone Joël, mone Samuel, 34 mon Elkana, mone Jerocham, mon Éliel, mone Thorach, 35 mone Tsuph, mon Elkana, mone Machath, mon Amasaï, 36 mon Elkana, mone Joël, mon Azaria, mone Sophonie, 37 mone Thachath, mon Assir, mon Ebjasaph, mone Koré, 38 mone Jitsehar, mone Kehath, mone Lévi, mon Israël. 39 A monyañe wé Asaph, nyô a nga bo a tebe'e nye mbo nnôm, a ne na, Asaph mone Bérékia, mone Schimea, 40 mone Micaël, mone Baaséja, mone Malkija, 41 mon Ethni, mone Zérach, mon Adaja, 42 mon Ethan, mone Zimma, mone Schimeï, 43 mone Jachath, mone Guerschom, mone Lévi. 44 Mfa'a ya mbo nga bobenyañe bap bone be Merari: Éthan mone Kischi, mon Abdi, mone Malluc, 45 mone Haschabia, mon Amatsia, mone Hilkija, 46 mon Amtsi, mone Bani, mone Schémer, 47 mone Machli, mone Muschi, mone Merari, mone Lévi. 48 A bobenyañe bap Belévite be nga téléban mfa'a ya bo ésaé ése ya tabernacle ya nda Zambe.

49 Ve Aaron ba be bone bé be nga bo be va'a biôm autel ya mimvean b'adi'i nduane yôp, a autel ya encens yôp, mfa' ésaé ya vôm a dañ étyi, a mfa'a ya bo metuna'a ajô Israël, aval ese ane Moïse mbo ésaé Zambe a nga tiñeti. 50 A bana be ne bone be Aaron: Éléazar mone wé, Phinéés mone wé, Abischua mone wé, 51 Bukki mone wé, Uzzi mone wé, Zerachja mone wé, 52 Merajoth mone wé, Amaria mone wé, Achithub mone wé. 53 Tssadok mone wé, Achimaats mone wé.

54 Bina bi ne bitaba'a biap aval ane be nga ke b'atabe minné miap été: mfa'a ya bone be Aaron, mfa'a menda me bôte ya Bekahathite (amu ngap asimba ya ôsu é mbe énjap) 55 mbe be nga ve Hébron si ya Juda, a biwom bi abôman été; 56 ve mefupe ya nlam ôte, a male ya été, be nga ve bie Caleb mone Jephunné. 57 Ane be nga ve bone be Aaron minlame ya sobô, Hébron; nalé fe Libna a biwome ya été, a Jatthir, a Eschthemoa a biwome ya été, 58 a Hilén a biwome ya été, Debir a biwome ya été, 59 a Aschan a biwome ya été, a Beth-Schémesch a biwome ya été; 60 be nga nyoñe fe ayoñe Benjamin été, Guéba a biwome ya été, a Anathoth a biwome ya été. Minlam miap mise menda me bôte map été mi mbe minlam awôm a mila.

61 Nde ba bevo'o ya bone be Kehath be nga vebane minlam awôm a asimba, mi so'o nda bôte ya ayoñ, mi so' éfas ayoñ, é ne na, éfas ayoñe Manassé. 62 A mfa'a

ya bone be Guerschom, aval ane menda me bôte map me né, be nga ve minlam awôm a mila, mi so' ayoñ Issacar, a ayoñ Aser, a ayoñe Nephtali, a ayoñe Manassé e ne Basan. 63 Mfa'a ya bone be Merari minlam awôm a mibaé mi nga veban a asimba, aval ane menda me bôte map me né, mi so' ayoñe Ruben, a ayoñe Gad, a ayoñe Zabulon. 64 Nde bone be Israël be nga ve Belévite minlam mite a biwome ya été. 65 Be nga ve minlam mite mi to ntotebane môé a samba, mi so' ayoñe ya bone be Juda, a ayoñe ya bone be Siméon, a ayoñe ya bone be Benjamin.

66 Menda me bôte mevo'o ya bone be Kehath me nga bili minlame ya minné miap mi so' ayoñ Éphraïm. 67 Ane be nga ve be minlame ya sobô, Sichem a biwome ya été mfa'a si minkôle ya Éphraïm; nalé fe Guézer a biwome ya été, 68 a Jokmeam a biwome ya été, a Beth-Horon a biwome ya été, 69 a Ajalon a biwome ya été, a Gath-Rimmon a biwome ya été; 70 a be nga nyoñ mfa'a ya éfas ayoñe Manassé, Aner a biwome ya été; a Bileam a biwome ya été, a ve ba bevo'o ya nda bôte ya bone be Kehath.

71 Bone be Guerschom be nga vebane Golan mfa'a ya Basan a biwome ya été, a Aschtaroth a biwome ya été, mi so'o nda bôte ya éfas ayoñe Manassé; 72 be nga nyoñe fe mfa'a ya ayoñ Issacar, Kédesch a biwome ya été, Dobrath a biwome ya été, 73 a Ramoth a biwome ya été; a Anem a biwome ya été; 74 be nga nyoñe fe mfa'a ya ayoñ Aser, Maschal a biwome ya été, a Abdon a biwome ya été, 75 a Hukok a biwome ya été, a Rehob a biwome ya été; 76 be nga nyoñe fe mfa'a ya ayoñe Nephtali, Kédesch mfa'a ya Galilée a biwome ya été, a Hammon a biwome ya été, a Kirjathaïm a biwome ya été.

77 Ba bevo'o ya Belévite, bone be Merari, be nga vebane Rimmono a biwome ya été, Thabor a biwome ya été; mi so' ayoñe Zabulon; 78 be nga vebane fe Jourdain yat mfa'a ya Jéricho, mfa'a Jourdain ya jôp d'atôô, minlam mite mi so' ayoñe Ruben, Betser mfa'a ya fé a biwome ya été, a Jahtsa a biwome ya été, 79 a Kedémoth a biwome ya été, a Méphaath a biwome ya été; 80 be nga nyoñe fe mfa'a ya ayoñe Gad, Ramoth a ne Galaad a biwome ya été, a Mahanaïm a biwome ya été, a Hesbon a biwome ya été, a Jaezer a biwome ya été.

7 Mfa'a ya bone be Issacar: Thola, a Pua, Jaschub, a Schimron, benyin. 2 A bone be Thola: Uzzi, a Rephaja, a Jeriel, a Jachmaï, a Jibsam, a Samuel, minlô mi bôte ya menda beésa bap, e ne na, be Thola; be to biwôlô bi bôte ya ayok miaé miap été:

melu me David tañe jap é mbe bôte betoyini mewôm mebaé a bebaé a mintete misaman. 3 A bone be Uzzi: Jizrachja. A bone be Jizrachja: Micaël, a Abdias, a Joël, Jischija, betan; bese minlô mi bôt. 4 Bone minsamba ya nsamba mewosan be nga to nsamba wop été, aval ane miaé miap mi né, avale fe ane menda me bôte ya beésa bap me né, bôt tañe betoyini mewôm mela a besaman; amu be nga bili binga abui a bon. 5 A bobenyañe bap menda me bôte ya Issacar été, be to biwôlô bi bôte ya ayok, bese be lañeba'ane bindane biap, be mbe bôt tañe betoyini mewôm mwom a zañbwa.

6 Bone be Benjamin: Béla, a Béker, a Jediaël, bela. 7 A bone be Béla: Etsbon, a Uzzi, a Uziel, a Jerimoth, a Iri, betan; be to minlô mi bôte ya menda beésa, biwôlô bi bôte ya ayok; ane be nga lañebane bindane biap bôt tañe betoyini mewôm mebaé a bebaé mewôm mela a benyin. 8 A bone be Béker: Zemira, a Joasch, a Éliézer, a Eljoénaï, a Omri, a Jerémoth, a Abija, a Anathoth, a Alameth. Balé bete bese be mbe bone be Béker. 9 Be nga lañebane bindane biap, aval ane miaé miap mi né, minlô mi bôte ya menda beésa bap, be to biwôlô bi bôte ya ayok, bôt tañe betoyini mewôm mebaé a mintete mibaé. 10 A bone be Jediaël: Bilhan. A bone be Bilhan: Jeusch, a Benjamin, a Éhud, a Kenaana, a Zéthan, a Tarsis, a Achischachar. 11 Balé bete bese be mbe bone be Jediaël, aval ane minlô mi bôte ya menda beésa bap mi né, be to biwôlô bi bôte ya ayok, bôt tañe betoyini awôm a zañbwa a mintete mibaé, ba be mbe ngule ya kôlô si a ke mewosan nsamba été. 12 Schuppim fe, a Huppim, bone be Ir, Huschim, bone be Acher.

13 Bone be Nephthali: Jahtsiel, a Guni, a Jetser, a Schallum, bone be Bilha.

14 Bone be Manassé: Asriel, nyô ngon Aramite ba nye be mbe te nya nlu'ane, é nga biaé; é nga biaé Makir ésa Galaad. 15 Ane Makir a nga lu'u minga be Huppim ba Schuppim, nnye jôé monyañe wé e mbe na Maaca; a jôé nyô baa e mbe na Tselophchad; a Tselophchad a nga bili bengon. 16 Ane Maaca nga Makir a nga biaé mona fam, ane a nga yôlé nye jôé na Péresch; a jôé monyañe wé e mbe na Schéresch; a bone bé be mbe na Ulam ba Rékem. 17 A bone be Ulam: Bedan. Balé bete be bone be Galaad mone Makir, mone Manassé. 18 Ane kale jé Hammoléketh é nga biaé Ischhod, a Abiézer, a Machla. 19 A bone be Schemida be mbe na, Achjan, a Sichem, a Likchi, a Aniam.

20 A bone be Éphraïm: Schutélach, a Béred mone wé, a Thachath mone wé, a Éleada mone wé, a Thachath mone wé, 21 a Zabad mone wé, a Schutélach mone wé, a Ézer, a Élead, mbe bôte ya Gath be nga bialé si éte be nga wôé, amu be nga sise na, be zu wôlé biyeme biap. 22 Ane Éphraïm ésa wop a nga wô' ôlun melu abui, a bobenyañe bé be nga zu volô nye nlem. 23 Nde a nga jô'ôbô minga wé, ane a nga nyoñ abum, a biaé mona fam, ane a nga yolé nye jôé na Beria, amu mame ya nda bôte jé me nga wulu abé. 24 Ngo jé é mba na Schééra, nyô a nga lone Beth-Horon ya nké a nyô ya akôé, a Uzen-Schééra. 25 Réphach a mbe mone wé, a Résceph, a Thélach mone wé, a Thachan mone wé, 26 Laedan mone wé, Ammihud mone wé, Élischama mone wé, 27 Nun mone wé, Josué mone wé.

28 Minlam be nga bili a vôm be nga to bi mbe na, Béthel a minlame ya été, a Naaran mfa'a jôp d'atôô, a Guézer a minlame ya été mfa'a jôp d'adim; Sichem fe a minlame ya été, akekui Azza a minlame ya été; 29 a mfa'a biwome ya bone be Manassé, Beth-Schean a minlame ya été, Thaanac a minlame ya été, Meguiddo a minlame ya été, Dor a minlame ya été. Mili mite mmie bone be Joseph mon Israël be nga to été.

30 Bone be Aser: Jimna, a Jischva, a Jischvi, a Beria, a Sérach kale jap. 31 A bone be Beria: Héber, a Malkiel, nyô a mbe ésa Birzavith. 32 Ane Héber a nga biaé Japhleth, a Schomer, a Hotham, a Schua kale jap. 33 A bone be Japhleth: Pasac, a Bimhal, a Aschvath. Bone be Japhleth, mbe bête le. 34 A bone be Schamer: Achi, a Rohega, Hubba, a Aram. 35 A bone be Hélem monyañe wé: Tsophach, a Jimna, a Schélesch, a Amal. 36 Bone be Tsophach: Suach, a Harnépher, a Schual, a Béri, a Jimra, 37 Betser, a Hod, a Schamma, a Schilscha, a Jithran, a Beéra. 38 A bone be Jéther: Jephunné, a Pispá, a Ara. 39 A bone be Ulla: Arach, a Hanniel, a Ritsja. 40 Balé bete bese be mbe bone be Aser, be to minlô mi bôte ya menda beésa, mintobane mi bôt a biwôlô bi bôte ya ayok, bivete ya minlô mi bôt. Tañe jap mfa'a ya ésaé mewosan, ane é nga lañebane bindan, é mbe bôt tañe betoyini mewôm mebaé a besaman.

8 Ane Benjamin a nga biaé Béla ntôle mone wé, Aschbel nyô baa, a Achrach nyô lale, 2 Nocha nyô nyini, a Rapha nyô tane. 3 Béla a nga bili bon: Addar, a Guéra, a Abihud, 4 a Abischua, a Naaman, a Achoach, 5 a Guéra, a Schepuphan, a Huram. 6 A bana be ne bone be Échud: bana be ne minlô mi bôte ya menda beésa mfa'a bôt

be nga to Guéba, ane be nga ke be minkôm Manachath: 7 a Naaman, a Achija, a Guéra, mbe bête a nga ke be minkôm; ane a nga biaé Uzza ba Achichud. 8 Ane Schacharaïm a nga biaé bon mfa'a ya afupe Moab, éyoñ éte a lômeya be be kôlô; Huschim ba Baara be nga to binga bé. 9 Ane a nga biaé be Hodesch minga wé Jobab, a Tsibja, a Méscha, a Malcam, 10 a Jeuts, a Schocja, a Mirma. Balé bête be mbe bone bé, be to minlô mi bôte ya menda beésa. 11 Ane a nga biaé Abithub ba Elpaal be Huschim. 12 A bone be Elpaal: Éber, a Mischeam, a Schémer, nyô a nga lôñ Ono a Lod, a minlame ya été; 13 a Beria, a Schéma, mbe bete be nga to minlô mi bôte ya menda beésa mfa'a ya bôt be nga to Ajalon, ba be nga titane bôt be nga to Gath; 14 a Achjo, Schaschak, a Jerémoth, 15 a Zebadja, a Arad, a Éder. 16 a Micaël, a Jischpha, a Jocha, bone be Beria, 17 a Zebadja, a Meschullam, a Hizki, a Héber, 18 a Jischmeraï, a Jizlia, a Jobab, bone be Elpaal, 19 a Jakim, a Zicri, a Zabdi, 20 a Éliénaï, a Tsilthaï, a Éliel, 21 a Adaja, a Beraja, a Schimrath, bone be Schiméï, 22 a Jischpan, a Éber, a Éliel, 23 a Abdon, a Zicri, a Hanan, 24 a Hanania, a Élam, a Anthothija, 25 a Jiphdeja, a Penuel, bone be Schaschak, 26 a Schamscheraï, a Schecharia, a Athalia, 27 a Jaaréschia, a Élija, a Zicri, bone be Jerocham. 28 Balé bete be mbe minlô mi bôte ya menda beésa miaé miap mise, bôte ya ôsu: bale bete be nga to Jérusalem.

29 Esa Gabaon, Jeïel, nyô minga wé a mbe jôé na Maaca, a nga to Gabaon; 30 ba ntôle mone wé Abdon, a Tsur, a Kis, a Baal, a Nadab, 31 a Guedor, a Achjo, a Zéker. 32 Ane Mikloth a nga biaé Schimea. Mbe fe be nga tabe Jérusalem, ba be bobenyañe bap, mfa'a ya bobenyañe yat. 33 Ane Ner a nga biaé Kis; a Kis a nga biaé Saül; a Saül a nga bia Jonathan, a Malki-Schua, a Abinadab, a Eschbaal. 34 Mone Jonathan a mbe na, Merib-Baal; a Merib-Baal a nga biaé Michée. 35 A bone be Michée: Pithon, a Mélec, a Thaeréa, a Achaz. 36 Ane Achaz a nga biaé Jehoadda; a Jehoadda a nga biaé Alémeth, a Azmaveth, a Zimri; a Zimri a nga biaé Motsa. 37 Ane Motsa a nga biaé Binea; Rapha a mbe mone wé, Éleasa mone wé, Atsel mone wé. 38 Atsel a nga bili bone besaman, mbe môé map me ne na: Azrikam, Bocru, a Ismaël, a Schearia, a Abdias, a Hanan. Balé bete berse be mbe bone be Atsel. 39 A bone be Éschek monyañe wé: Ulam ntôle mone wé, nyô baa Jeusch, a nyô lale Éliphéleth. 40 Bone be Ulam be mbe biwôlô bi bôte ya ayok, be to bewua bilaé, a be nga bili bon abui, a bendaé, be to ntet a mewôm metan. Balé bete bese be nga so be bone be Benjamin.

9 Nalé ate bôte bese ya Israël be nga lañebane bindan; ô lô, bi ne ntilane kalate bejô bôte ya Israël été. Ane be nga ke Juda minkôm Babylone amu mintyamane metiñe miap. 2 Bôt be nga taté tabe bito biap minlam miap été be mbe na, bôte ya Israël, beprêtre, Belévite, a Benéthiniën. 3 Bôte bevo'o ya bone be Juda be nga to Jérusalem, a bevo'o ya bone be Benjamin, a bevo'o ya bone be Éphraïm a Manassé: 4 mfa'a ya bone be Pérets mone Juda, Uthaï mon Ammihud, mon Omri, mon Imri, mone Bani. 5 A mfa'a ya Beschilonite: Asaja ntôle mon, a bone bé. 6 A mfa'a ya bone be Zérach: Jeuel, a bobenyañe bap, bôte mintete misaman a mewôm ébu. 7 A mfa'a ya bone be Benjamin: Sallu mone Meschullam, mone Hodavia, mon Assenua, 8 a Jibneja mone Jerocham, a Éla mon Uzzi, mone Micri, a Meschullam mone Schepathia, mone Reuel, mone Jibnija; 9 a bobenyañe bap, aval ane miaé miap mi né, bôte mintet ébu mewôm metan a besaman. Bôte bete bese be mbe minlô mi bôte ya menda beésa, aval ane menda me bôte ya beésa bap me né.

10 A mfa'a ya beprêtre: Jedaeja, a Jehojarib, Jakin, 11 a Azaria mone Hilkija, mone Meschullam, mone Tsadok, mone Merajoth, mon Achithub, évete ya nda Zambe; 12 a Adaja mone Jerocham, mone Paschhur, mone Malkija, a Maesaï mon Adiel, mone Jachzéra, mone Meschullam, mone Meschillémith, mon Immer ; 13 a bobenyañe bap, minlô mi bôte ya menda beésa bap, bôte toyini wua mintete zañbwa a mewôm mesaman; be to benya bôtô mfa'a mboan ésaé ya nda Zambe.

14 A mfa'a ya Belévite: Schemaeja mone Haschub, mon Azrikam, mone Haschabia, mfa'a ya bone be Merari; 15 a Bakbakkar, Héresch, a Galal, a Matthania mone Michée, mone Zicri, mone Asaph, 16 a Abdias mone Schemaeja, mone Galal, mone Jeduthun, a Bérékia mon Asa, mon Elkana, nyô a nga to male ya Benethophathien.

17 A mfa'a ya beba'ale mimbé: Schallum, a Akkub, a Thalmon, a Achiman, a bobenyañe bap (Schallum a mbe évete ya été), 18 ba be nga bo be taté'é yange mbé nda njô bôt mfa'a jôp d'atôô: be mbe beba'ale mimbé mfa'a minkane mi bone be Lévi. 19 A Schallum mone Kôré, mone Ébiasaph, mone Koré, a bobenyañe bé, ba ya nda bôt ésa wé, Bekoréite, be nga jôô mfa'a mboane ya bisaé, be to beba'ale mimbô'ô mimbé ya nda éndelé: a beésa bap be nga bo be jô'ô minkane mi Jehova,

be to beba'ale ya anyin mbé. 20 Phinéés mon Éléazar a mbe njôô wop melu mvus, a Jehova a nga tabe be nye. 21 Zacharie mone Meschélémia a mbe mba'ale mbé nda éndelé ya bisulan. 22 Balé bete bese ba be mbe ntobane na be bo beba'ale mimbô'ô mimbé, be mbe bôte mintete mibaé awôm a bebaé. Balé be nga lañebane bindan male map été, mbe David ba Samuel ñyene mam be nga télé nya étoo wop b'abuni be été. 23 Nalé ba be bone bap be nga ba'ale njôane mimbé ya nda Jehova, é ne na, nda éndelé, minsamba minsamba. 24 Beba'ale mimbé be nga to mimfa'a minyin, mfa'a jôp d'atôô, mfa'a jôp d'adim, mfa'a ya nord, a mfa'a ya sud. 25 A bobenyañe bap be to male map be nga ye bo be za'a melu zañbwale mese, biyoñe bi éziñ, a ye zu tabe be be: 26 amu beba'ale mimbé ya ôsu benyin, be to Belévite, be nga bili nya étoo b'abuni be, a be nga ba'ale bitune menda a menda me akum nda Zambe été. 27 Nde be nga tabe mbôma'ane nda Zambe, amu mbe be nga bili ésaé ya ba'ale je; a mbe fe be nga bili ésaé ya dii je mimbé tyé ése.

28 Bevo'o ya été be nga ba'ale fe bisua ya bisaé; amu be nga zu bie nda été be lank, be kuli fe bie be lank. 29 Mbe fe, bevo'o be nga télébane na, be ba'ale biôme ya nda, a ba'ale fe bisua bise ya nda ya étyi, a ba'ale nte'an avut, a vin, a mbon, a encens, a bityita'a. 30 Nde fe bevo'o ya bone ya beprêtre be nga kôm ntyitan mbon. 31 A Matthithia, môte wua ya Belévite, a to ntôle mone Schallum mone Koréite, a nga bili nya étoo ya ba'ale biôm bi mbe mimbubane befandé été. 32 A bobenyañe bap bevok, ba ya bone Bekehathite, be nga ba'ale fembé ya nliitan, ane b'aye kôme je sabbat ase.

33 Bana be ne beyia bia, minlô mi bôte ya menda beésa ya Belévite, ba be nga to bitune menda, te ke bo ésaé éfe; amu be nga to ésaé jap été môse ba alu. 34 Balé bete be mbe minlô mi bôte ya menda beésa ya Belévite, miaé miap mise, bôte ya ôsu: balé bete be nga to Jérusalem.

35 Esa Gabaon, Jeïel, nyô minga wé a mbe jôé na Maaca, a nga to Gabaon; 36 ba ntôle mone wé Abdon, a Tsur, a Kis, a Baal, a Ner, a Nadab, 37 a Guedor, a Achjo, a Zacharie, a Mikloth. 38 Ane Mikloth a nga biaé Schimeam. Mbe fe be nga tabe Jérusalem ba be bobenyañe bap, mfa'a ya bobenyañe yat. 39 Ane Ner a nga biaé Kis; a Kis a nga biaé Saül; a Saül a nga biaé Jonathan, a Malki-Schua, a Abinadab, a Eschbaal. 40 Mone Jonathan a mbe na Meri-Baal; a Merib-Baal a nga biaé Michée. 31 A bone be Michée: Pithon, a Mélec, a Thachróa, a Achaz. 42 Ane

Achaz a nga biaé Jaera; a Jaera a nga biaé Alémeth, a Azmaveth, a Zimri; a Zimri a nga biaé Motsa; 43 a Motsa a nga biaé Binea; a Rephaja mone wé, Éleasa mone wé, Atsel mone wé. 44 Atsel a nga bili bone besaman, mbe môé map me ne na: Azrikam, Bocru, a Ismaël, a Schearia, a Abdias, a Hanan: balé bete be mbe bone be Astel.

10 Bephilistin be nga wosan Israël: a bôte ya Israël be nga mate Bephilistin, a ke b'aku mimbi me si nkôle Guilboa. 2 Ane Bephilistin be nga ke b'atône Saül ba be bone bé bebé; nde Bephilistin be nga wôé Jonathan, a Abinadab, a Malki-Schua, bone be Saül. 3 Ane mewosan me nga bo Saül abé, a bewua bilaé be nga koane nye; a ne a nga dañe yen njuk amu ajô bewua bilaé. 4 Eyoñ éte Saül a nga jô mbe'e biôme ya mewosane wé na, Téé' nkpwaté mekône wôé, a jii me wô, bôt be ne te ntyi'ane meteyele ba be za zu, a kpwe'ele ma. Ve mbe'e biôme ya mewosane wé a nga ben; amu a nga dañe ko woñ. Ajô te Saül a nga nyoñ nkpwaté mekône wé, a ku wô yôp. 5 Eyoñ mbe'e biôme ya mewosane wé a nga yene na, Saül a wuya, nnye fe a nga ku nkpwaté mekône wé yôp, a wu. 6 Nalé ate Saül a nga wu, a bone bé bela; a nda bôte jé ése é nga wu nsamba wua.

7 Eyoñ bôte bese ya Israël be nga to mbi'ili éte be nga yene na, be nga tup, nalé fe Saül ba be bone bé be wuya, be nga li'i minlam miap, a mate; a Bephilistin be nga zu tabe mie. 8 Tyé kpwa a nga bo na, éyoñ Bephilistin be nga zu soté biôme ya mimbim, be nga koé Saül ba be bone bé miñwuan nkôl Guilboa. 9 Ane be nga soté nye biôm, a nyoñ nlô wé, a ngômesan étyé jé, a lôme bôt si ya Bephilistin mimfa'a mise, be ke foé be bengunemelane bap, a be bôt. 10 Ane be nga futi ngômesan étyé jé nda bezambe bap, a tiñeti nlô wé nda Dagon été. 22 Eyoñ bôte bese ya Jabès-Galaad be nga wô'ô mam mese Bephilistin be nga bo Saül, 12 miñyôyo'o mise mi nga kôlô si, a vaa mbime Saül, a mimbime ya bone bé, a zu mie Jabès, a jame bivese biap chène si Jabès, a tyi bidi melu zañbwa.

13 Nalé Saül a nga wu amu ntyaman atiñe wé, ñwô a nga bo Jehova, amu njôane Jehova, ñwô a nga bo te ba'ale; nalé fe amu a nga sili fe'e be nyô a nga bo a bii' kôn, a sili mam été; 14 a te sili mam be Jehova: ajô te a nga wôé nye, a kôñelan njôane be David mon Isai.

11 Eyoñ éte bôte bese ya Israël be nga sulane bebien be David Hébron, a jô na, Tame yen, bi ne évese jôé a nsône wôé. 2 Melu mvus, ja'an éyoñ Saül a mbe njô bôt, wo ô nga bo ô téé' Israël si meke a meso: a Jehova Zambe wôé a nga jô wo na, W'aye bo mba'ale ya bôte bam Israël, a w'aye bo évete ya bôte bam Isarël. 3 Nalé ate bemvendé bese ya Israël be nga zu be njô bôt Hébron; ane David a nga bo be élat Hébron mise me Jehova; ane be nga wo'o David mbon a bo njô bôte ya Israël, aval ane njôane Jehova ô nga so be Samuel.

4 Ane David a Israël ase be nga ke Jérusalem (a ne na, Jebus); a Bejébusien, bôt be nga to si éte, be mbe wôé. 5 Ane bôt be nga to Jebus be nga jô David na, W'aye ke nyin nne. A kôsa bo nalé David a nga nyoñ ôleme Sion; ô ne na, nlame David. 6 Ane David a nga jô na, Bôte bese mô't a ye taté bôé Bejébusien a ye bo évet a nlô mô't. Ane Joab mone Tseruja a nga taté bet, ane a nga boban évet. 7 Ane David a nga tabe ôlem été; ajô te be nga loene vie na, nlame David. 8 Ane a nga lôñ nlam mimfa'a mise, ataté Millo a ke a bôman; a Joab a nga kôm étun nlam évok. 9 Ane David a nga ke ôsu a nenenen; amu Jehova ya minsamba mewosan a nga to be nye.

10 Mina mi ne minlô mi bôte ya biwôlô bi bôt David a nga bili, mi mi nga liti na, mi ne ngule be nye njôan a nga jôô bôt, ba be Issraël ase, mfa'a ya télé nye njô bôt, aval ane njôane Jehova ô nga to mfa'a ya Israël. 11 Nyina é ne tañe biwôlô bi bôt David a nga bili: Jaschobeam, mone ya mone Hacmonite éziñ, évet nsamba ya mewôm mela; a nga bete akoñe dé yôp, a wosane bôte mintete mila a wôé be awôé da. 12 Mô't a nga tôé nye a mbe Éléazar mone Dodo, mon Achochite, a mbe jia nsamba ya biwôlô bi bôte bila. 13 Nnye ate a nga to be David Pas-Dammim, a Bephilistin be nga mane sulane vôm ate mfa'a ya mewosan, vôm éfuse si é nga jaé orge; a bôt be nga tup asu Bephilistin. 14 Ane be nga tebe éfuse si éte zañ, a kame je, a wôé Bephilistin; nalé Jehova a nga nyii be beta nyian.

15 Nsamba befame ya ôsu mewôm mela, bela ya été be nga sis a ke akok be David, mfa'a ya mbas ako'o ya Adullam; nsamba mewosane ya Bephilistin ô to minkan mbi'ili ya Rephaïm. 16 Melu mete David a to ôlem, melu mete fe nkane bezimbi ya Bephilistin ô to Bethléhem. 17 Ane David a nga nyamete, a jô na, Ngo'o

nge môť éziñ a ne ve me mendime ya nyu me so' anjeñe Bethléhem, e ne mfôm mbé akak: 18 Ane belale bete be nga tulan nsamba mewosane ya Bephilistin, a lape mendime ya anjeñe Bethléhem, e mbe mfôm akak, a nyoñe me, a zu me be David: ve David a nji kômbô nyu me, ve sôé me si be Jehova, 19 a jô na, Zambe wom a kame'e ma, me bo te bo jame di: ye m'aye nyu metyi me bôte ba be nga ju binyiñe biap? Amu be sooya me a njuane ya binyiñe biap. Ajô te a nji kômbô nyu me. Biwôlô bi bôte bite bila bi nga bo mam mete.

20 Abischaï, monyañe Joab, a mbe môťe ya ôsu be bôte bete bela; amu a nga bete akoñe dé yôp a wosane bôte mintete mila, a wôé be, nalé jôé dé e nga wum bôte bete bela été. 21 Bôte bete bela, nnye a mbe дума a dañe bebaé, ane a nga teléban évete jap: ve a kôsa bo nalé, a nji kui abim ane bôte bela ya ôsu.

22 Benaja mone Jehojada, mone ya éwôlô môťe ya Kabtseel, nyô a nga mane bo beta be mam, nnye ate a nga wôé bone bebaé ya Ariel môťe ya Moab: nnye fe a nga sis ébé été a wôé ñbweñbwem melu ya neige. 23 A nga wôé fe mon Égyptien, beta ayape môť, a to nté yôp menyii me mo metan; mon Égyptien ate a nga bili akoñe mo, abima mbôñe ya éfat metiñ bindelé; ane a nga sise be nye a ntum, a wôlé mon Égyptien ate akoñe mo, a wôé nye a akoñe dé émien. 24 Benaja mone Jehojada a nga bo mam mete, nalé jôé dé e nga wum biwôlô bi bôte bite bila été. 25 O lô, a mbe дума a dañ nsamba ya mewôm mela, ve a nji kui abim ane bôte bela ya ôsu: ane David a nga telé nye évete ya nsamba w'aba'ale nye.

26 Nalé fe biwôlô bi bôte ya nsambe mewosan: Asaël moyañe Joab, Elchanan mone Dodo, môťe ya Bethléhem, 27 Schammoth môťe ya Haror, Hélets môťe ya Palon, 28 Ira mon Ikkesch môťe ya Tekoa, Abiézer môťe ya Anathoth, 29 Sibbecaï mone Huschatite, Ilaï môťe ya Achoach, 30 Maharai môťe ya Nethopha, Héled mone Baana môťe ya Nethopha, 31 Ithaï mone Ribai môťe ya Guibea mfa'a ya bone be Benjamin, Benaja môťe ya Pirathon, 32 Huraï môťe ya atôñe Gaasch, Abiel môťe ya Araba, 33 Azmaveth môťe ya Bacharum, Éliachba môťe ya Schaalbon, 34 bone be Haschem môťe ya Guizon, Jonathan mone Schagué môťe ya Harar, 35 Achiam mone Sacar môťe ya Harar, Éliphal mon Ur, 36 Hépher môťe ya Mekéra, Achija môťe ya Palon, 37 Hetsro môťe ya Carmel, Naaraï mon Ezbaï, 38 Joël monyañe Nathan, Mibchar mone Hagri, 39 Tsélek mon Ammonite, Nachraï môťe ya Béroth, mbe'e biôm mewosane ya Joab mone Tseruja, 40 Ira môťe ya Jéther, Gareb môťe ya Jéther, 41

Urie mone Héthien, Zabad mon Achlaï, 42 Adina mone Schiza mone Rubénite, évete ya Berubénite, ba be bôte mewôm mela nsamba wé, 43 Hanan mone Maaca, a Josaphat môte ya Mithni, 44 Ozias môte ya Achtharoth, Schama ba Jehiel bone be Hotham môte ya Aroër, 45 Jediaël mone Schimri, a Jocha monyañe wé, mone Thitsite, 46 Éliel môte ya Machavim, ba Jeribaï, a Joschavia, bone be Elnaam, a Jithma mone Moabite, 47 Éliel, a Obed, a Jaasiel môte ya Metsobaja.

12 Bana be ne ba be nga zu be David Tsiklag, éyoñ éte a ngenan a to asoé amu ajô Saül mone Kis; be nga to nsamba biwôlô bi bôt été, bevolô bé ya mewosan. 2 Be nga bili bilaé, be to fe ngule ya wua a wo ya mbo nnôm a wu ya mbo nga mebaane éyoñ b'awua meko'o me toloo, a éyoñ b'awua mekoñe bilaé: be nga to ba ya bobenyañe be Saül, bôte ya Benjamin. 3 Môte ya ôsu a mbe na Achiézer; a tôte valé na Joas, bone be Schemaa môte ya Guibea, a Jeziel, a Péleth, bone be Azmaveth, a Beraca, a Jéhu môte ya Anathoth, 4 a Jischmaeja môte ya Gabaon, éwôlô mônt nsamba mewôm mela été, a to fe nsamba mewôm mela ôte évet, a Jérémie, a Jachaziel, a Jochanan, a Jozabad môte ya Guedéra, 5 Éluzai, a Jerimoth, a Bealia, a Schemaria, a Schepathia môte ya Haroph, 6 Elkana, a Jischija, a Azareel, a Joézer, a Jaschobeam, Bekoréite, 7 a Joéla, a Zebadia, bone be Jerocham môte ya Guedor.

8 Mfa'a ya Begadite, biwôlô bi bôte ya ayok bi nga ke be David ôlem mfa'a ya fé, bôt be to nkômane ya mewosan, ba b'ayeme bi ében a akoñ; mesu map me to ane mesu beñbweñbwem, be to fe avôle mebo ane minko'o mi ne minkôle minkô: 9 Ézer môte ya ôsu, nyô baa Abdias, nyô lale Éliab, 10 nyô nyini Mischmanna, nyô tane Jérémie, 11 nyô samane Attaï, nyô zañbwale Éliel, 12 nyô mwomô Jochanan, nyô ébulu Elzabad, 13 nyô awômô Jérémie, nyô awôm a wua Macbannaï. 14 Balé bete ya bone be Gad be mbe bivete ya nsamba mewosan: nyô a nga dañe tyôtyoé a mbe abim ngul ane ntete bôt, a nyô a nga dañ anen abim ngul ane toyina bôt. 15 Balé bete be ne ba be nga dañe Jourdain ngone ya ôsu, éyoñ éte a maneya nyiñili ndôn kindi' ébaane; ane be nga tulu bôte bese ya minje'ese mimbile fé, mfa'a jôp d'atôô, a mfa'a jôp d'adim.

16 Ane bevo'o ya bone be Benjamin a Juda be nga ke ôlem be David. 17 Ane David a nga kôlô si a ke tôbane be, nde a nga yalan a jô be na, Nge mi azu be me

mvo'é a kômbô volô ma, wôna nleme wom w'aye late be mia; ve nge mi azu koñe me be besiñe bam, vôm abé e nji bo mo mam été, Zambe ya beésa bangan a fombô'ô jam ete, a lepe de. 18 Eyoñ éte Nsisim ô nga kui be Amassaï, nyô a mbe évet nsamba ya bôte mewôm mela, ane a nga jô na, Bi ne émbôé, A David, a bi ne ngame jôé, wo mon Isaï: mvo'é, mvo'é é bo'ô be wo, a mvo'é é bo'ô be bevolô bôé; amu Zambe wôé a volô wo. Eyoñ éte David a nga nyoñe be, a télé be bivete ya nsamba.

19 Mfa'a ya Manassé fe, bevo'ô be nga kôlô a ke be David, éyoñ ba be Bephilistin be nga zu wosane Saül: ve be nji volô be; amu bivete ya Bephilistin, éyoñ bi nga bôndé fek, bi nga tindi nye a kôlô, bi jô'ô na, A ye kôlô a ke be Saül ésa wé, jam ete e za vaa bia minlô. 20 Nkean a nga ke Tsiklag, bôt be nga kôlô Manassé, be kele' be nye, be mbe na, Adnach, a Jozabad, a Jediaël, a Micaël, a Jozabad, a Élihu, a Tsilthaï, bivete ya betoyini bi mbe ba ya Manassé. 21 Be nga volô David a wosan nsamba bendeñdefi: amu bese be nga to biwôlô bi bôte ya ayok, be to fe bivete ya nsamba mewosan. 22 Amu ane môs bôt be nga bo be za'a be David a kômbô volô nye, akekui nsamba mewosan ô nga bo anen, aval ane nsamba mewosane Zambe.

23 Tañe minlô mi bôt mi mbe nkômane ya bita, ba be nga ke be David Hébron, ane be ne kôñelan njôane Saül be nye, aval ane njôane Jehova ô nga to, nje éte nyô. 24 Bone be Juda be be'e ében ba akoñ be mbe betoyini besaman a mintete mwom, nkôman mfa'a ya bita. 25 Ba ya bone be Siméon, biwôlô bi bôte ya ayok mfa'a ya bita, betoyini zañbwa a ntete wua. 26 Ba ya bone be Lévi betoyini benyin a mintete misaman. 27 Jehojada a mbe nlô môte ya nda bôt Aaron; a bôte betoyini bela a mintete zañbwa be mbe nsamba wé, 28 a Tsadok, éwôlô ndômane ya ayok, a bivete ya mewosan mewôm mebaé a bibaé bi so'ô nda ésa wé. 29 Ba ya bone be Benjamin, bobenyañe be Saül, betoyini bela: amu azukui éyoñ éte beta ngape ya be be a nga kam nda bôte Saül. 30 Ba ya bone be Éphraïm betoyini mewôm mebaé a mintete mwom; be to biwôlô bi bôte ya ayok, a bôte ya дума menda me bôte ya beésa bap été. 31 Ba ya éfas ayoñe Manassé betoyini awôm a mvôm, ba be nga totebane môé, a zu télé David njô bôt. 32 Ba ya bone be Issacar, bôt be nga yeme mame ya melu mete, a yeme jam Israël a yiane bo, minlô mi bôte ya été mi mbe mintete mibaé; a bobenyañe bap bese be nga yange ve njôane wop. 33 Ba ya Zabulon, ba be mbe ngule ya ke nsamba mewosan, a yeme télé bité mewosan, be bili fe biôm mewosan mevale mese, bôte betoyini mewôm metan, be to ngule ya télé

bité mewosan, a te bo minlem mibaé. 34 Ba ya Nephthali bivete mewosan toyini wua, a ba be be'e ében ba akoñ nsamba wop betoyini mewôm mela a zañbwa. 35 Ba ya Bedanite be to ngule ya télé bité mewosan, betoyini mewôm mebaé a mwom a mintete misaman. 36 Ba ya Aser, ba be to ngule ya ke nsamba mewosan, be to fe ngule ya télé bité mewosan, betoyini mewôm menyin. 37 Mfa'a ya Jourdain yat, ba ya Berubénite, a Begadite, a éfas ayoñe Manassé, ba be bili biôm mewosan mfa'a ya bita mevale mese, betoyini ntet a mewôm mebaé.

38 Balé bete bese, be to bôte ya bita, a be to fe ngule ya télé bité mewosan, be nga ke Hébron a benya minleme, a ke télé David njô bôte ya Israël ase: a ba bevo'o bese ya Israël be to fe nleme wua na, be télé David njô bôt. 39 Ane be nga tabe be David valé melu mela, be ja'ak a nyu; amu bobenyañe bap be nga mane kômesan ajô dap. 40 Nalé fe ba bese be nga to be bébé, akui nné ane Issacar a Zabulon a Nephthali, be nga zu fembé é bete bijakas, a bechameau, a bemulet, a beyôm binyaka yôp, bidi ya avut, biwôlé bi figue, a bisañe minkôte bibuma bi ndik, a vin, a mbon, a beyôm binyaka, a mintômba abui abui: amu meva'a me nga to Israël été.

13 Ane David a nga sili fe'e be bivete ya betoyini a bi ya mintet, a sili évet ése. 2 Ane David a nga jô ngum ésulan ôse ya Israël na, Nge mi ayene jame di mvaé, a nge d'aso be Jehova Zambe wongan, bi tame lôme tyiñ vôm ase be bobenyañe bangan be li'ya si se ya Israël, ba beprêtre ba be Belévite be to be be minlam miap été mi bili biwom, na, be sulane be bia; 3 nde te bi tame beta zu éwolo ya Zambe wongan be bia: amu bi nji jeñe je melu Saül a nga to. 4 Ane ngum ésulan ôse ô nga jô na b'aye bo nalé; amu jam ete e mbe zôsô mise me bôte bese. 5 Nalé David a nga sulan Israël ase, ataté Schichor ôtôñe ya Égypte akekui anyine Hamath, na, be soo éwolo Zambe Kirjath-Jearim. 6 Ane David a Israël ase be nga bet, a ke Baala, a ne na, Kirjath-Jearim, nlame ya Juda, be ke nyoñ éwolo Zambe Jehova wôé, nyô a to bechérubin yôp, nje é ne ñyôlane Jôé. 7 Ane be nga be'e éwolo Zambe mfefé wagon yôp, a nyoñe je nda Abinadab: a Uzza ba Achjo be nga liti wagon ate. 8 Ane David a Israël ase be nga bôme biôm asu Jehova a ngule jap ése, a bia, a bingombé, a memvet, a mengom, a biwoé, a metoñ.

9 Eyoñ be nga kui nseñe Kidon vôm be nga bo be tya'a bidi, Uzza a nga same wo na a bi éwolo; amu beyôm binyaka be nga kolé ôbak. 10 Ane Jehova a nga yaa Uzza, nde a nga bibi nye, amu a nga same wo a nambe éwolo; ane a nga wu vôm ate asu Zambe. 11 David a nga wô'abé, amu Jehova a nga kuli ayo'o be Uzza: ane a nga yôlé vôm ate na Pérets-Uzza, azukui môse wu. 12 Ane David a nga ko Zambe woñ môs ôte, a jô na, M'aye zu éwolo Zambe jale dam mamien aya? 13 Ajô te David a nji vaa éwolo a ke je be émien nlame David, ve be'e je a yale je nda Obed-Édom môte ya Gath. 14 Ane éwolo Zambe é nga li'i be nda bôte ya Obed-Édom nda jé été ngon éla: a Jehova a nga botan nda bôt Obed-Édom, a biôm bise a nga bili.

14 Ane Hiram, njô bôte ya Tyr, a nga lôm minlôman be David, a bilé bi cèdre, a belôñ, ba ya mekok a ba ya bityimbi, be lôñe nye nda. 2 Ane David a nga yene na, Jehova a teléya fo'o nye njô bôte ya jôô Israël; amu njôane wé ô nga betebane yôp, amu ajô ya bôte bé Israël.

3 Ane David a nga beta nyoñe binga befe mfa'a ya Jérusalem; a David a nga biaé bone befe, befam a binga. 4 Mana me ne môé me bon a nga biaé Jérusalem: Schammua, a Schobab, Nathan, a Salomon, 5 a Jibhar, a Élichua, a Elphéleth, 6 a Noga, a Népheg, a Japhia, 7 a Élichama, a Beéliada, a Éliphéleth.

8 Eyoñ Bephilistin be nga wô'ô na, be maneya wo'o David mbon a bo njô bôte ya jôô Israël ase, Bephilistin bese be nga kôlô si a ke jeñe David: ane David a nga wô'ôtane jam ete, a kôlô si a ke wosane be. 9 Eyoñ été Bephilistin be maneya so a bo ôban mbi'ili ya Rephaïm été. 10 Ane David a nga sili Zambe, a jô na, Ye me bet a ke wosane Bephilistin? ye w'aye ve be mo mam? Ane Jehova a nga jô nye na, Betek; amu m'aye ve be mo môé. 11 Nde be nga bet a zu Baal-Peratsim, a David a nga bôé be valé; ane David a nga jô na, Zambe a bu'uya besiñe bam a wo wom, ane medula ôsôé. Ajô te be nga yôlé vôm ate jôé na, Baal-Peratsim. 12 Ane be nga li'i be zambe bape wôé; nde David a nga ve atiñ, ane be nga di'iban nduan.

13 Ane Bephilistin be nga beta zu bo ôban mbi'ili été. 14 Ane David a nga beta sili Zambe; a Zambe a nga jô nye na, Te bet a ke tôñe be: sa'ale' mfa'a be né, a kui be be a temetem zôsô bilé bemûrier yat. 15 A ye bo na, éyoñ w'aye wô' éduñ ane bezimbi b'awulu meso'o bilé bemûrier été, wôna w'aye kôlô si a ke wosan; amu

Zambe a keya wo ôsu a ke bôé nsamba mewosane Bephilistin. 16 Ane David a nga bo aval ane Zambe a nga tiñeti nye: ane be nga bôé nsamba mewosane Bephilistin ataté Gabaon akekui Guézer. 17 Nde дума ya David e nga mialane mesi mese été; a Jehova a nga ve meyoñe mese woñ be nye.

15 Ane David a nga lôñ émiene menda nlame David été; a nga kôme fe vôm mfa'a ya éwolo Zambe, a telé je nda éndelé. 2 Eyoñ éte David a nga jô na, Te ke mô't a yiane be'e éwolo Zambe ve Belévite étam: amu mbe Jehova a tobeya na be be'e éwolo Zambe, a bo nye ésaé nnôm éto. 3 Nde David a nga sulan Israël ase Jérusalem, a kômbô zu éwolo Jehova vôme wé a nga kôme je. 4 Ane David a nga sulane bone be Aaron, a Belévite: 5 mfa'a ya bone be Kehath, Uriel mô'te ya ôsu, a bobenyañe bé ntet a mewôm mebaé; 6 mfa'a ya bone be Merari, Asaja mô'te ya ôsu, a bobenyañe bé mintete mibaé a mewôm mebaé; 7 mfa'a ya bone be Guerschom, Joël mô'te ya ôsu, a bobenyañe bé ntet a mewôm mela; 8 mfa' a ya bone be Élitsaphan, Schemaeja mô'te ya ôsu, a bebenyañe bé mintete mibaé; 9 mfa'a ya bone be Hébron, Éliel mô'te ya ôsu, a bobenyañe bé mewôm mwom; 10 mfa'a ya bone be Uziel, Amminadab mô'te ya ôsu, a bobenyañe bé ntet awôm a bebaé. 11 Ane David a nga bañete Tsadok ba Abiathar beprê'tre, a Belévite, Uriel, Asaja, a Joël, Schemaeja, a Éliel, a Amminadab, 12 a jô be na, Mi ne minlô mi bôte ya menda beé'sa ya Belévite: tunane miabebien, mia be bobenyoñ, ane mi aye zu éwolo Jehova, Zambe ya Israël, vom me kômeya je. 13 Amu vôm mi nga bo te be'e je éyoñe ya ôsu, Jehova Zambe wongan a nga kuli bia ayok, amu bi nji jeñe nye aval ane atiñ e né. 14 nalé beprê'tre a Belévite be nga tune bebiene na, be zu éwolo Jehova, Zambe ya Israël. 15 Ane bone ya Belévite be nga be'e éwolo Zambe bitu, mimbôñ mi to été yôp, ane Moïse a nga tiñeti aval ane njôane Jehova ô mbe.

16 Ane David a nga kobô Belévite ya ôsu na, be telé bobenyañe bap beyia bia, be bili biôme ya bôm, memvet a bingombé a biwoé, be bôme' biôm bite ngu a bete metyiñe yôp a mevak. 17 Nalé Belévite be nga telé Héman mone Joël; a mfa'a ya bobenyañe bé, Asaph mone Bérékia; a mfa'a ya bone be Merari bobenyañe bap, Éthan mone Kuschaja; 18 be telé fe bobenyañe bape ya nsamba baa nsamba wop, be ne na, Zacharie, Ben, a Jaaziel, a Schemiramoth, a Jehiel, a Unni, Éliab, a Benaja, a Maaséja, a Matthithia, a Éliphelé, a Miknéja, a Obed-Édom, a Jeïel,

beba'ale mimbé. 19 Nalé Héman, Asaph, a Éthan, beyia bia, be nga teléban, be bili biwoé bi mvot b'aye kut; 20 a Zacharie, a Aziel, a Schemiramoth, a Jehiel, a Unni, a Éliab, a Maaséja, a Benaja, be bili memvete ya bôm Alamothe; 21 a Matthitia, a Éliphéle, a Miknéja, a Obed-Édom, a Jeïel, a Azazia, be bili bingombé ya bôme Scheminith, be tindi'i bia ôsu. 22 A Kenania, môte ya ôsu ya Belévite, a nga jôô bia: a nga ye'ele mame ya bia, amu a mbe atyeñ. 23 A Bérékia ba Elkana be mbe beba'ale mimbé ya éwolo. 24 A Schebania, a Josaphat, a Nethaneel, a Amasaï, a Zacharie, a Beneja, a Éliézer, beprêtre, be nga loñe metoñ asu éwolo Zambe; a Obed-Édom ba Jechija be mbe beba'ale mimbé ya éwolo.

25 Nalé David, a bemvendé ya Israël, a bivete ya betoyini, be nga ke nyoñ éwolo élate ya Jehova nda Obed-Édom a mevak. 26 A nga bo na, éyoñ Zambe a nga volô Belévite be nga be'e éwolo élate ya Jehova, be nga tyi'i beyôm binyaka zañbwa a beyôm mintômba zañbwa. 27 David a nga be'e éwomane ya nya ndombo, nalé fe Belévite bese be nga be'e éwole, a beyia bia, a Kenania évete bia ba be beyia bia: David a nga be'e fe éphod ndombo nyô. 28 Nalé ate Israël ase a nga zu éwolo élate ya Jehova a mbetane metyiñ, a nloñane ya mone toñ, a benya metoñô, a biwoé, be bôme' fe memvet a bingombé.

29 A nga bo na, éyoñ éwolo élate ya Jehova é nga suan nlame David, Mical ngone Saül a nga fombô mfa'a ya mon mbé, a yene David njô bôt a jemek a bôme biôm; ane a nga biasé nye nlem été.

16 Ane be nga zu éwolo Zambe, a télé je ézezañ nda éndelé David a nga télé je: ane be nga tyi'i memvean b'adi'i nduan a mimveane ya bo mvo'é asu Zambe. 2 Eyoñ David a nga mane tyi'i mimvean b'adi'i nduan a mimveane ya bo mvo'é, a nga botane bôt a jôé Jehova. 3 Ane a nga kape môte ase ya Israël, fam a minga, môte ase mamane fembé, a akape tit, a éwôlé minkôte bibuma bi ndik.

4 Ane a nga télé Belévite bevok be bo ésaé asu éwolo Jehova, be kañe Jehova, Zambe ya Israël, a ve nye akéva, a se'e nye: 5 be mbe na, Asaph môte ya ôsu, a nyô a tôé nye Zacharie, Jeïel, a Schemiramoth, a Jehiel, a Matthitia, a Éliab, a Benaja, a Obed-Édom, a Jéïel, be bôme' memvet a bingombé; a Asaph a bili biwoé,

a kute bie; 6 a Benaja ba Jachaziel beprêtre be loñe' metoñ melu mese, asu éwolo élate ya Zambe.

7 Môs ôte ñwô David a nga taté ve atiñe na, be ve Jehova akéva, a wo ya Asapha ba be bobenyañe bé.

8 Va'ane Jehova akéva, mi lo'ene jôé dé;

Lita'ane meyoñ mimboane mi mam mié.

9 Yi'ane nye bia, yi'ane nye bia ya mevak;

Mi la'an ajô bitua bisaé bié bise.

10 Mi wumuk jôé dé e ne étyi été;

Nleme ya ba b'ajeñe Jehova ô va'ak.

11 Jeñane Jehova a ngule jé;

Jeñane asu dé nnôm éto.

12 Simesa'ane bitua bisaé bié a nga bo,

Bitua bi mam bié, a mintyi'an anyu dé e nga tyik,

13 A mia mvoñe bôt Israël mbo ésaé wé,

Mia bone be Jacob, mintobane mi bôte mié.

14 Nnye ate a ne Jehova Zambe wongan;

Mintyi'ane mejô mié mi ne si se.

15 Mi simesa'an élate jé nnôm éto,

Ajô a nga tiñeti miaé mi bôte toyini,

16 Elat a nga bo be Abraham,

A ngana a nga kan Isaac,

17 Ji a nga yemete mfa'a ya Jacob é bo atiñ,

A ve je Israël na é bo élate ya nnôm éto,



Rev. Matthias
Secrétaire Général

18 A jô na, Wo m'aye ve si ya Canaan,

Ngap asimba ya ngape si jôé;

19 Eyoñ éte mi mbe ve tañe bôte tyôtyoé,

Ya, aka'a tyôtyoé, a mintabe ya été;

20 Be nga ke b'awulu akôlô ayoñ akui ayoñ avok,

Akôlô njôane wua akui ayoñe bôt avok.

21 A nji kañese na, mô't a bo be abé;

Ya, a nga lepe bejô bôt amu ajô dap,

22 A jô na, Te nambane bôte bam be ne ñwo'an mbon,

A te boane bekulu mejô bam abé.

23 Yi'ane Jehova bia, bôte bese ya si nyô;

Lita'ane nyiane wé ataté môse wua akui môs mbok.

24 Kañeta'ane дума dé meyoñ été,

A bitua bisaé bié bôte bese été.

25 Amu Jehova a ne anen, a dañe yiane дума

Nnye fe b'ayiane ko woñ a dañe bezambe bese.

26 Amu bezambe bese ya bôt be ne bengunemelan:

Ve Jehova a nga bo yôp.

27 Ekaña'a ba étôtok bi ne asu dé:

Ngule ba mevak bi ne vôme wé été.

28 Va'ane Jehova, mia menda me bôte ya meyoñ,

Va'ane Jehova дума ba ngu;

29 Va'ane Jehova дума d'ayiane jôé dé;



Rev. Matthias
Secrétaire Général

Za'ane jôme ya ve nye, a zu asu dé;

Kañane Jehova, mi tele minnoñ mi ne étyi.

30 Fô'ôban'an asu dé, bôte bese ya si nyo:

Si nyô é ne fe ñyemetan é bo te ngule ya fô'ôsan.

31 Yôp e va'ak, a si nyô e yene' mvaé;

A be jô'ô meyoñ éte na, Jehova nnye a jôô.

32 Mañ me sô'ôk, a njalane ya éte;

Afup e fônôk, a jôm ése é ne éte;

33 Eyoñ éte bilé ya afan bi aye yia bia ya mevak asu Jehova;

Amu a zu tyi'i si nyô mejô.

34 Va'ane Jehova akéva; amu a ne mvaé;

Amu mvame jé j'atabe nnôm éto.

35 A mi jô'ô na, Nyi'i bia, A Zambe ya nyiane wongan,

A sulane bia vôme wua a nyii bia mfa'a ya meyoñ,

Mfa'a ya ve jôé dôé e ne étyi duma,

A mfa'a ya dañ nkañan bi akañe wo.

36 Ebotan a Jehova, Zambe ya Israël,

Ataté nnôm éto akekui nnôm éto.

Ane bôte bese be nga jô na, Amen, a se'e Jehova.

37 Nalé ate a nga li' Asaph ba be bobenyañe bé vôm ate asu éwolo élate ya Jehova, na, be bo ésaé asu éwolo éte melu mese, abim d'ayiane môs ôse; 38 a Obed-Édom ba be bobenyañe bap, tañe bôte mewôm mwom a mwom; a li'i fe Obed-Édom mone Jeduthun ba Hosa, be bo beba'ale mimbé; 39 a Tsadok prêtre, a bobenyañe bé beprête, asu tabernacle ya Jehova a nga to éto ya ékôndô'ô yôp é mbe Gabaon, 40

mfa'a ya tyi'i Jehova mimvean b'adi'i nduan autel ya di'i biôm nduane yôp melu mese mam me tyé a mam me ngô'é, aval ese ane e ne ntilane metiñe me Jehova été, mme a nga tiñeti Israël; 41 a li'i fe Héman ba Jeduthun nsamba wop, a ba bevo'o be mbe mintôban, ba be nga totebane môé na, be ver. Jehova akéva, amu mvame jé j'atabe nnôm éto; 42 a Héman ba Jeduthun be to nsamba wop, be bili metoñ, a biwoé ya ba b'aye kut, a biôm ya bôm mfa'a ya bia bi Zambe; a bone be Jeduthun mfa'a ya tabe mbé. 43 Nalé bôte bese be nga kôlô, mô't ase a kele' nda jé: a David a nga bulan a ke botan nda jé.

17 A nga bo na, éyoñ David a nga tabe nda jé, David a nga jô Nathan nkulu mejô na, Tame yen, ma me to nda é ne nlôñan a cèdre, ve éwolo élate ya Jehovva é to bindelé si. 2 Ane Nathan a nga jô David na, Bo'o jam ese e ne wo nlem; amu Zambe a ne be wo. 3 A nga bo na, alu te ebien, ajô Zambe e nga zu be Nathan, na, 4 Kele' kate David mbo ésaé wome na, Avale di nde Jehova a jô, na, W'aye lôñe me nda m'aye tabe: 5 amu me nji tame tabe nda ataté môs me nga soo Israël, azukui môse wu, ve ke m'awulu akôlô nda éndelé akui nda éndelé, akôlô tabernacle wua akui nyô mbok. 6 Vôm ase bia Israël ase bi nga wulu, ye me kobôya betyi'i mejô be éziñe ya Israël éfia, ba me nga tiñeti na, be bo beba'ale ya bôte bam, a jô na, Amu jé mi nga bo te lôñe me nda cèdre? 7 Ajô te éyoñe ji avale di nde w'aye jô mbo ésaé wome David na, Avale di nde Jehova ya minsamba mewosan a jô, na, Me nga nyoñe wo mfa'a ya abemba mintômba, mfa' ô nga bo ô tône' mintômba, na, ô bo évet be bôte bam Israël: 8 a me tabeya be wo vôm ase ô nga ke, me tyi'iya fe besiñe bôé bese asu dôé; nde fe m'aye nene jôé dôé, e bo aval ane jôé ya beta be bôt be to si nyô. 9 M'aye fe tyi'i vôm bôte bam Israël b'aye tabe, a m'aye bé be, ane b'aye tabe vôme wop bebien, jôm te fe beta fô'ô be; nalé fe bone ya abé b'aye bo te fe beta ndamane be, ane be nga taté bo, 10 avale fe ane be nga bo ataté môs me nga télé betyi'i mejô be jô'ô bôte bam Israël; a m'aye vo besiñe bôé bese. Ajô afe fe m'akate wo na, Jehova a ye lôñe wo nda bôt. 11 A ye bo na, éyoñ melu môé me kpwaneya na, w'ayiane ke tabe vôm beéso bôé be né, éyoñ éte m'aye télé mvoñe bôte jôé mvuse jôé, nje j'aye so be bone bôé; a m'aye yemete njôane wé. 12 Nnye ate a ye lôñe me nda, a m'aye yemete éto njôô jé nnôm éto. 13 M'aye bo nye ésa, nnye ke a ye bo me mon: a m'aye bo te vaa mvame jam be nye, aval ane me nga vaa je be nyô a mbe

wo ôsu; 4 ve m'aye kôme nye éto nda jam été a njôane wom été nnôm éto; a éto njôô jé j'aye teléban nnôm éto. 15 Aval ane mejô mete mese me mbe, avale fe ane ñyenan ôte ôse ô mbe, nalé Nathan a nga kobô David.

16 Eyoñ éte David njô bôt a nga nyin, a tabe si asu Jehova; ane a nga jô na, Me ne za, A Jehova Zambe, nda bôte jame ke jé, ane ô zuya me nté wu? 17 A jame di e mbe fe ôyôme jôm mise môé, A Zambe; ve ô maneya fe kobô ajô nda mbo ésaé wôé melu abui ôsu, ô fombôya fe ma ane b'afombô éto môêt a ne mbetane yôp, A Jehova Zambe. 18 David a ne ngule ya beta jô za jame mfa'a ya дума d'aboban mbo ésaé wôé? amu wo w'ayem mbo ésaé wôé. 19 A Jehova, ô boya beta éto ase nyô, amu ajô mbo ésaé wôé, a zôsô ane nleme wôé ô né, a kômbô na, beta be mam mete mese me yemelan. 20 A Jehova, mfe a nji bo aval ane wo, nalé fe Zambe mfe a nji bo ve wo étam, aval ane mam mese bi maneya wô' a melo mangan me né. 21 Ayoñ avé da e ne si nyô e ne aval ane bôte bôé Israël, mbe bete Zambe a nga ke kôté mfa'a wé émien be bo ayoñe bôt, a ve wo jôé e ne дума a mboane ya mam me mbe anen a angôndô, vôm ô nga titane meyoñ asu ya bôte bôé, mbe ô nga kôté Égypte? 22 Amu ô nga télé bôte bôé Israël be bo bôte bôé womien nnôm éto; a wo, A Jehova, ô nga bo Zambe wop. Eyoñe ji, A Jehova, ajô ô nga kobô mfa'a ya mbo ésaé wôé, a mfa'a ya nda bôte jé, yemete'e de e tabe nnôm éto, a bo ane ô nga jô? 24 Nde jôé dôé e bo'ô ñyemetan a bo fe дума nnôm éto, be jô'ô na, Jehova ya minsamba mewosan a ne Zambe ya Israël: a nda bôte David mbo ésaé wôé é nto ntelan ngu asu doé. 25 Amu wo, A Zambe wom, ô maneya kuli mbo ésaé wôé jame di na, w'aye lôñe nye nda bôt: ajô te nlem mbo ésaé wôé w'ate tindi nye na, a ye'elan asu dôé. 26 Eyoñe ji, A Jehova, ô ne Zambe, a ô tiñetiya mbo ésaé wôé mbamba jam nyô: 27 éyoñe jina fe ô yeneya mvaé ya botan nda bôt mbo ésaé wôé, ane j'aye tabe nnôm éto asu dôé: amu wo, A Jehova, ô maneya botan, nde é nto mbotan nnôm éto.

18 A nga bo na, éyoñ mam mete me nga man, David a nga bôé Bephilistin, a vo be, a nyoñe Gath a minlame ya été mo Bephilistin. 2 Ane a nga bôé Moab; a Bemoabite be nga bo bebo bisaé be David, a bo be yaka'ane taxe.

3 Ane David a nga bôé Hadarézer njô bôte ya Tsoba akekui Hamath, éyoñ a nga ke télé njôane wé mfôm ôsôé Euphrate. 4 Ane David a nga nyoñe nye bewagon ya bita toyini, a befam b'awulu bikabela yôp betoyini zañbwa, a befam b'awulu si

betoyini mewôm mebaé; David a nga tyene fe bikabela bewagon ya bita bise mimbiaé, ve a nga ba'ale bivo'o ya été abim d'ayian ntete bewagon ya bita.

5 Eyoñ Besyrien ya Damas be nga zu volô Hadarézer njô bôte ya Tsoba, David a nga wôé fe Besyrien bete bôte betoyini mewôm mebaé a bebaé. 6 Eyoñ éte David a nga toé minkane bezimbi mfa'a ya Syrie ya Damas; a Besyrien be nga bo bebo bisaé be David, a bo be yaka'ane taxe. Jehova a nga ve David ndañane bita mfa' ôse a nga ke. 7 Ane David a nga nyoñe bibene ya or bebo bisaé be Hadarézer be nga be'e, a ke bie Jérusalem. 8 David a nga nyoñe fe étua abui mvot Thibchath a Cun, minlame ya Hadarézer, nje éte Salomon a nga bo je mañe me mvot, a mekôn, a bisua bi mvot.

9 Eyoñ Thohu njô bôte ya Hamath a nga wô'ô na, David a bôéya nsamba mewosan ôse ya Hadarézer njô bôte ya Tsoba, 10 a nga lôme Hadoram mone wé be David njô bôt, a ke batane nye, a botane fe nye, amu a nga wosane Hadarézer a bôé fe nye (amu Hadarézer ba Thohu be nga bo be wosa'an); a nga soo bisua bi or a argent a mvot mevale meva nsamba wé. 11 Mbe bete fe David njô bôt a nga télé étyi be Jehova, a fulane fe argent a or a nga sa meyoñe mese; mfa'a ya Édom, a mfa'a ya Moab, a be bone be Ammon, a be Bephilistin, a be Amalek.

12 Nalé fe na, Abischaï mone Tseruja a nga wôé Beédomite mfa'a ya Mbi'ili Nku, bôte betoyini awôme a mwom. 13 Ane a nga toé minkane bezimbi Édom; a Beédomite bese be nga bo bebo bisaé be David. Jehova a nga ve David ndañane bita mfa'a ôse a nga ke.

14 David a nga jôô Israël ase, ane a nga tyi'i bôte bé bese mejô nya ntyi'ane, a bo be zôsô. 15 Joab mone Tseruja a mbe évet nsamba mewosan; a Josaphat mon Achilud a mbe mba'ale mintilane ya ayoñ; 16 a Tsadok mon Achithub ba Abimélec mon Abiathar, be mbe beprêtre; a Schavscha a mbe ntili bekalate; 17 a Benaja mone Jehojada a mbe évete ya Bekéréthien a Bepéléthien; a bo be fam be David be mbe bôte ya ôsu be njô bôt.

Rev. Matthias

Secrétaire Général

19 A nga bo na, éyoñ mam mete me nga man, Nachasch njô bôte ya bone be Ammon a nga wu, a mone wé a nga jôô éto jé. 2 Ane David a nga jô na, Me tame liti

Hanun mone Nachasch mvam, amu ésa wé a nga mvamane ma. Nalé David a nga lôm minlôman mi ke volô nye nlem ajô ésa wé. Ane bebo bisaé be David be nga kui si ya bone be Ammon be Hanun, a kômbô volô nye nlem.³ Ve bivete ya bone be Ammon bi nga jô Hanun na, Ye w'abuni na, David a wumu éso, vôm a lômeya bevolô nlem be wo ? ke bebo bisaé bé be zuya be wo na, be jeñe mam, a zametane mam, a loé si? ⁴ Nalé Hanun a nga nyoñe bebo bisaé be David, a tyeñe be meze, a tyi'i fe mengômesane mape zañ, nné ane mekan, a lôme be be ke. ⁵ Eyoñ éte bôte bevo'o be nga ke, a kate David mam me nga bo bôte bete. Ane a nga lôme bôte be ke tôbane be; amu bôte bete be nga dañe wô'ôson. Ane njô bôt a nga jô na, Yanga'ane Jéricho akekui mezele menan m'aye beta kui, éyoñ éte mi aye bulan.

⁶ Eyoñ bone be Ammon be nga yene na, be nto ane jôm é ne nyé mise me David, Hanun ba be bone be Ammon be nga lôm betalent be argent toyini wua, be kuse bewagon ya bita a bôt b'awulu bikabela yôp be so'o Mésopotamie, a Aram-Maaca, a Tsoba. ⁷ Nalé be nga kuse bewagon ya bita betoyini mewôm mela a bebaé, a fulane fe njô bôte ya Maaca ba be bôte bé, mbe be nga zu vule minkan asu Médeba. Ane bone be Ammon be nga sulan, be so'o minlam miap, a zu mewosan. ⁸ Eyoñ David a nga wô'ô jam ete, a nga lôme Joab, a ngum nsamba mewoane ya biwôlô bi bôt ôse. ⁹ Ane bone be Ammon be nga so, a kôm bité mewosan anyin mbé aka'a ya nlam: a bejô bôt be nga so bebien be nga to ngum nsamba mfa'a ya fé.

¹⁰ Eyoñ Joab a nga yene na, mewosan me nto nye nkôman ôsu a mvus, a nga top mbamba be bôte bese ya Israël, a kôme be bité ya wosane Besyrien. ¹¹ Ane a nge ve bôte bevok mo me Abischaï monyañe wé; ane be nga kôm bité ya wosane bone be Ammon. ¹² Ane a nga jô na, Nge Besyrien b'aye dañe me ngu, wôna w'aye volô ma; ve nge bone be Ammon b'aye dañe wo ngu, wôna m'aye volô wo. ¹³ Bo' ayo'o nlem, bi bo' ane befam ajô bôte bangan, a ajô minlame ya Zambe wongan: a Jehova a bo'o jam a yene zôsô. ¹⁴ Nalé Joab ba be bôt be nga to nsamba wé be nga ke ôsu bebé mfa'a ya wosane Besyrien; be ve tupe nye asu. ¹⁵ Eyoñ bone be Ammon be nga yene na, Besyrien be tubeya, mbe fe be nga tup asu Abischaï monyañe wé, a ke nyin nlam, Eyoñ éte Joab a nga ke Jérusalem.

¹⁶ Eyoñ Besyrien be nga yene na, Israël a voya be, be nga lôm minlôman, a dutu Besyrien be nga to Osôé yat, Schophach évet nsamba mewosane ya Hadarézer, a to be nlô. ¹⁷ Ane be nga kate David foé; nde a nga sulan Israël ase vôme wua, a

dañe Jourdain, a kui vôm be nga to, a kôm bité ya wosane be. Ajô te éyoñ David a nga mane kôm bité ya wosane Bsyrien, ane be nga wosane nye. 18 Ane Besyrien be nga tup asu Israël, a David a nga wôé Besyrien, bôte ya betoyini bewangon ya bita zañbwa, a bôt b'awulu si betoyini mewôm menyin, a wôé fe Schophach évete ya nsamba mewosan. 19 Eyoñ bebo bisaé be Hadarézer be nga yene na, Israël a voya be, be nga bo élat be David, a bo nye ésaé: nalé fe Besyrien be nga bene beta volô bone be Ammon éyoñ éfe.

20 A nga bo na, éyoñ mbu ô nga beta kpwan, éyoñe ya bejô bôt be wô'ô ke bita, Joab a nga kôlô si a té nsamba mewosan, a ndamane si ya bone be Ammon, a ke dili Rabba a bita. Ve David a nga langane Jérusalem. Ane Joab a nga bôé Rabba, a nyoñe nye. 2 Ane David a nga vaa couronne njô bôte ya été nlô wé, a yene na, a to adit abima talent or, meko'o me ne édima me to fe mbeman été; ane be nga télé nye nlô David: a nga soo fe biôm be nga sa nlam ôte, étua abui. 3 Ane a nga soo bôt be nga to été, a tyi'i be a mezik, a bifate ya bityé, a avôn. Aval ete David a nga bo minlam mise ya bone be Ammon. Ane David ba be bôte bese be nga bulane Jérusalem.

4 A nga bo na, éyoñ jam ete e nga man, bita bi nga beta vumelane Guézer be Bephilistin: éyoñ éte Sibbecai mone Huschatite a nga wôé Sippai, môte wua ya bone be beta nsa'a mô; ane be nga voban. 5 Ane bita bi nga beta bo be Bephilistin; ane Elchanan mone Jaïr a nga wôé Lachmi monyañe Goliath môte ya Gath, ntyen akoñe wé ô to abima mbôñe ya éfat ntiñe bindelé. 6 Bita bi nga beta fe bobane Gath, vôm beta ayape mô a nga to, a nga bili wo ase anyu asaman, a abo se anyu fe asaman, anyu ya mo a mebo ese tañe mewôm mebaé a anyin; nnye fe a mbe mbialane be beta nsa'a mô ate. 7 Eyoñ a nga biasé Israël, Jonathan mone Schimea monyañe David a nga wôé nye. 8 Balé bete be mbe mbialane be beta nsa'a mô ate Gath; ane be nga wu mo me David, a mo bebo bisé bé.

Rev. Matthias
Secrétaire Général

21 Ane Satan a nga tebe Israël ngame yat, a tindi David na, a lañ Israël. 2 Ane David a nga jô Joab ba be bivete ya bôte na, Kelan, mi lañ Israël ataté Beer-Schéba

akui Dan; wôna mi zu me foé, me yeme be tañ. 3 Ane Joab a nga jô na, Jehova a kô'ôlan'ane bôte bé, abim ese be né, tañe jap biyoñ ntet: ve, A tate wom njô bôt, ye be nji bo bebo bisaé be tate wom bese? tate wom a tindi jam ete amu jé? a ye bo zene ya ve Israël étom amu jé? 4 A kôsa bo nalé, njôan njô bôt ô nga dañe wu ya Joab. Ajô te Joab a nga kôlô, a ke a tulan Israël ase, a zu Jérusalem. 5 Ane Joab a nga ve David ngume tañe ya nlañane bôt. Ba bese ya Israël be mbe befam be nga bo be téé' nkpwaté mekôn betoyini mintet awôm a wua: a Juda a mbe befam be nga bo be téé' nkpwaté mekôn betoyini mintete minyin a mewôme zañbwa. 6 Ve a nji lañe Lévi a Benjamin tañe jap été; amu njôane ya njô bôt ô mbe Joab abé abui. 7 Ane Zambe a nga wô'ô jam ete abé; ajô te a nga lep Israël. 8 Ane David a nga jô Zambe na, Me boya beta abé vôm me boya jame di: ve éyoñe ji m'aye'elane wo na, ô vaa abé ya mbo ésaé wôé; amu me boya asu' abui.

9 Ane Jehova a nga kobô Gad, ñyene mam be David, na, 10 Kele' kobô David, a jô na, Avale di nde Jehova a jô, na, M'aliti wo mam mela; tobe' jame da ya été, nde m'aye bo wo de. 11 Nalé Gad a nga ke be David, a jô nye na, Avale di nde Jehova a jô, na, Nyoñe' jôm w'anyoñ: 12 nge na, mimbu ya mfumbale ya zaé mila; nge na, ngon éla w'aye diban asu besiñe bôé, nté ôte nkpwaté mekôn ya besiñe bôé w'aye koane wo; nge na, nkpwaté mekône ya Jehova nté melu mela, ô ne na, ébubua ôkon si nyô, a ange Jehova a ke a jiane mimfa'a biwome ya Israël mise. Ajô te éyoñe ji, bôndé'é fe'e za éyalan m'aye bulane nyô a nga lôme ma. 13 Ane David a nga jô Gad na, Me nto étua fe'e ne vema! m'aye'elane wo na, me tame ku mo me Jehova été; amu mvame jé é ne anen abui: a me bo te ku mo me mô. 14 Nalé Jehova a nga lôm Israël ébubua ôkon; a bôt be nga wu Israël befam betoyini mewôme zañbwa. 15 Ane Zambe a nga lôm ange Jérusalem na, a jiane nye: éyoñ a nga ye jian, Jehova a nga fombô, a kôñelan nlem mfa'a ya mbia jam ate, a jô ange a nga jiane bôte na, E yianeya; éyoñe ji dutu'u wo. Eyoñ éte ange Jehova a tele nseñ Ornan mone Jébusien, vôm be nga bo be tya'a bidi. 16 Ane David a nga bete mis, a yen ange Jehova a tele zañe si a yôp, ntéan nkpwaté mekôn ô to nye mo nsamane Jérusalem yôp. Eyoñ éte David be be bemvendé be nga ku, mesu map me mbutu si, be be'e fe minkuta nyô. 17 Ane David a nga jô Zambe na, Ye sa ma me nga tiñeti na bôt be lañeban? ma fo'o le me boya abé, a bo étua ékotekot; ve mintômba mi, mi boya jé? m'aye'elane wo, A Jehova Zambe wom, wo wôé ô lebe'e ma, a lepe fe nda bôt ésa wom; ve te lepe bôte bôé na, be yen ébubua ôkon.

18 Eyoñ éte ange Jehova a nga tindi Gad a jô David na, David a yiane bet, a ke lôñe Jehova autel nseñ Ornan mone Jébusien, vôm be nga bo be tya'a bidi. 19 Ane David a nga bet amu njôane Gad, ñwô a nga kobô a jôé Jehova. 20 ane Ornan a nga kôñelan mvus, a yen ange; a bo be fam bé benyin be nga to nsamba wé be nga sobô. Eyoñ éte Ornan a to a tya'a nlisi. 21 nde éyoñ David a nga ke be Ornan, Ornan a nga fombô a yene David, a kôlô nseñ vôm be nga bo be tya'a bidi, a kumbu be David, asu e butu si. 22 Eyoñ éte David a nga jô Ornan na, Va'a me vôme ya nseñ be wô'ô tya'a bidi nyô, me lôñe Jehova autel été: w'aye ve me wô me ya'an ngume tañe ya été, ndemben ébubua ôkon j'aye tebe mfa'a ya bôt. 23 Ane Ornan a nga jô David na, Nyoñe' wô mfa'a wôé, a tate wom njô bôt a bo'o jam e ne zôsô mise mé: ô lô, m'ave wo beyôm binyaka mfa'a ya mimvean b'adi'i nduan, a biôm b'atya'a bie bidi mfa'a ya nja'a, a nlisi mfa'a ya mvean avut; m'ave bise. 24 Ane David njô bôt a nga jô Ornan na, Momo; ve m'aye fo'o kuse wô a ngume tañ: amu m'aye ke nyoñe jôm é ne énjôé mfa'a ya Jehova, nge tyi'i mvean b'adi'i nduan te tañ. 25 Nalé David a nga ve Ornan tañe ya vôm ate besicle be or mintete misaman mve'ane kop. 26 Ane David a nga lôñe Jehova autel vôm ate, a tyi'i mimvean b'adi'i nduan a mimveane ya bo mvo'é, a loene Jehova; nnye ke a nga yalane nye mfa'a a nga to yôp été a nduan é kpwa'a autel ya mimvean b'adi'i nduane yôp. 27 Ane Jehova a nga jô ange; nye ve beta som nkpwaté mekône wé abam été.

28 Melu mete, éyoñ David a nga yene na Jehova a yalaneya nye nseñ Ornan mone Jébusien, vôm be nga bo tya'a bidi, éyoñ éte a nga tyi'i biôme wôé. 29 Amu tabernacle ya Jehova, nyô Moïse a nga bo fé été, a autel ya b'adi'i biôm nduan, bi nga to Gabaon melu mete mfa' éto ya ékôndô'ô yôp. 30 Ve David a nji bo ngule ya ke asu ya été mfa'a sili Zambe mam; amu a nga ko woñ amu nkpwaté mekône ya ange Jehova.

22 1 Eyoñ éte David a nga jô na, Nda Jehova Zambe nyô, a autel b'adi'i biôm nduan ajô Israël, nnye nyô.

2 Ane David a nga ve atife na, be sulane mintabe mi mbe si ya Israël vôme wua; ane a nga télé mintyetyeñ mi ba mimbaane mekok mfa'a ya lôñ nda Zambe. 3 Ane David a nga kômesan abui bityé mfa'a mesene ya biyombé ya benya mimbéé, a m fa'a ya memva'an; nalé fe abui mvot te ve'e je adit; 4 a bilé bi cèdre te ke tañ: amu Besidonien a bôte ya Tyr be nga zu bilé bi cèdre be David abui abui. 5 Ane David a

nga jô na, Salomon mone wom a ne mongô a nte'an, a nda j'aye lôñeban ajô Jehova j'ayiane bo étua étôto'o ya été bi kele' mesi mese: ajô te m'aye tame kômesan mfa' ôte. Nalé David a nga kômesan abui te yen a za wo'ok.

6 Eyoñ éte a nga loene Salomon mone wé, a tu'a jô nye nya njôane na, a lôñe Jehova, Zambe ya Israël, nda. 7 Ane David a nga jô Salomon mone wé na, Mfa'a wom, nlem ô nga tindi me na me lôñe jôé Jehova Zambe wom nda. 8 Ve ajô Jehova e nga zu be ma, na, O kuluya abui metyi, ô boya fe beta mewosan: w'aye ke lôñe jôé dam nda, amu ô kuluya abui metyi si nyô mise mam été. 9 Tame yen, mon a ye bialé be wo, nnye ate a ye bo môte ya awo'an; a m'aye ve nye be besiñe bé mimfa'a mise; amu jôé dé d'aye bo na Salomon, a m'aye ve Israël mvo'é a ne mieññ melu a to. 10 Nnye ate a ye lôñe jôé dam nda; a ye bo me mon, a m'aye bo nye ésa; a m'aye yemete éto njôô ya njôane wé be Israël nnôm éto. 11 Eyoñe ji, A mone wom, Jehova a tabe'e be wo; mam môé me kele' ôsu; a ô lôñe' nda Jehova Zambe wôé, aval ane a nga kobô ajô dôé. 12 Jame da, Jehova a va'a wo mfasane mam a fek, a tu'a lepe wo ajô Israël; nalé ate w'aye ba'ale atiñe Jehova Zambe wôé. 13 Eyoñ éte mam môé m'aye ke ôsu, nge w'aye ba'ale mboane ya memvinda a minjôan mbie Jehova a nga lepe Moïse ajô Israël: bo'o ngu, a ayo'o nlem; te ko woñ, nalé fe te fô'ôban. 14 Tame yen, éyoñe ji nju'u wom été, me maneya kômesan mfa'a ya nda Jehova betalent be or betoyini ntet, a betalent be argent betoyini toyini, a mvot a étyé te ve'ele bie adit; amu bi nto abui: me maneya fe kômesane bilé a mekok; a wo fe ô ne ngule ya kô'ôlane bie. 15 Nalé fe na, bebo bisaé be ne be wo abui abui, beba a bekôme ya meko' a bilé, a bôte bese be ne atyeñ mfa'a ya or, a argent, a mvot, a étyé, be ne te tañ. Kôlô'ô si, ô bo jam, a Jehova a tabe'e be wo.

17 David a nga ve fe bivete bise ya Israël atiñe na, bi volô Salomon mone wé, a jô na, Ye Jehova Zambe wônan a nji bo be mia? ye a nji tame ve mia awo'an mimfa'a mise? amu a vey a bôt be nga to si nyô mo mam; a si é maneya voban asu Jehova, a asu bôte bé. 19 Eyoñe ji va'ane minlem a minsisime mienane na, mi jeñe Jehova Zambe wônan; ajô te kôla'ane si, mi lôñ nda étyi ya Jehova Zambe, ane mi aye zu éwolo élate ya Jehova, a bisua bi Zambe bi ne étyi, nda j'aye lôñebane jôé Jehova été.

Secrétaire Général

23 David a mbe nnôm, a njalane melu ne lut! ane a nga telé Salomon mone wé njôô ya jôô Israël. 2 Ane a nga sulane bivete bise ya Israël vôme wua, a fulane fe beprêtre a Belévite. 3 Ane Belévite be nga lañeban, ataté ba be nga to mimbu mewôm mela a ke ôsu: tañe jap, ane tañe minlô miap é né, môte wuwua môte wuwua, é mbe betoyini mewôm mela a mwom. 4 Mfa'a ya be be, bôte betoyini mewôm mebaé a benyin be mbe ba b'aye bo bejom ésaé nda Jehova; a betoyini besaman be mbe bivet a betyi'i mejô; a betoyini benyin be mbe beba'ale mimbé; a betoyini benyin be nga bo be kañe' Jehova a bôme biôm me nga bo, nalé David a nga jô, be kañe' a biôm bite. 6 Ane David a nga kandé be minsamba aval ane bone be Lévi be né: Guerschon, Kehath, a Merari.

7 Mfa'a ya Beguershonite: Laedan ba Schiméï. 8 Bone be Laedan: Jehiel môte ya ôsu, a Zétham, a Joël, bela. 9 Bone be Schimeï: Schelomtith, a Haziel, a Haran, bela. Balé bete be mbe minlô mi bôte ya menda beésa ya Laedan. 10 A bone be Schimeï: Jachath, Zina, a Jeusch, a Beria. Benyine bete be mbe bone be Schimeï. 11 Jachath a mbe môte ya ôsu, a Zina nyô baa: ve Jeusch ba Beria be nji bi bo be fam abui; ajô te be nga bo nda bôte ya beésa jia, ba be be be lañeba'an alañe da.

12 Bone be Kehath: Amram, Jitsehar, Hébron, a Uziel, benyin. 13 Bone be Amram: Aaron ba Moïse; ane be nga telé Aaron étame na, a tune biôm bi adañ étyi, émien a bone bé, nnôm éto, mfa'a ya di'i encens asu Jehova, a bo nye ésaé, a botan jôé dé, nnôm éto. 14 Ve mfa'a ya Moïse môte ya Zambe, bone bé be nga toteban ayoñe Lévi été. 15 Bone be Moïse: Guerschom ba Éliézer. 16 Bone be Guerschom: Schebuel môte ya ôsu. 17 Bone be Éliézer be mbe na: Rechabia môte ya ôsu; Éliézer a nji bi bo be fam befe; ve bone be Rechabia be mbe étua abui. 18 Bone be Jitsehar: Schelomith môte ya ôsu. 19 Bone be Hébron: Jerija môte ya ôsu, Amaria nyô baa, Jachaziel nyô lale, a Jekameam nyô nyini. 20 Bone be Uziel: Michée môte ya ôsu, a Jischija nyô baa.

21 Bone be Merari: Machli ba Muschi. Bone be Machli: Éléazar ba Kis. 22 Ane Éléazar a nga wu, te bi bo be fam, ve bengone bengon: nde bendôm bap bone be Kis be nga lu'u be. 23 Bone be Muschi: Machli, a Éder, a Jerémoth, bela.

24 Balé bete be mbe bone be Lévi aval ane menda me bôte ya beésa bap me né, minlô mi bôte ya menda beésa mfa'a ya bone be nga lañeban, a lañe tañe môé aval

ane tañe minlô miap é né, mbe be nga bo ésaé mfa'a ya mba'alan nda Jehova, ataté ba be mbe mimbu mewôm mebaé a ke ôsu. 25 Amu David a nga jô na, Jehova, Zambe ya Israël, a maneya ve bôte bé awo'an; nnye ke a to Jérusalem nnôm éto: 26 nalé fe Belévite b'aye fe beta bi jame ya be'e tabernacle a bisua bise ya été mfa'a ya ésaé ya été. 27 Amu bone be Lévi be nga lañeban, ataté ba be mbe mimbu mewôm mebaé a ke ôsu, amu mejô David a nga su'ulane kobô. 28 Amu éto ésaé jap é mbe na, be volô bone be Aaron mfa'a ya ésaé nda Jehova, mfa'a ya minseñ, a mfa'a ya bitune menda, a mfa'a ntunane ya biôm bise bi ne étyi, é ne na, ésaé ya mba'alan nda Jehova; 29 mfa'a ya fembé ya nlitane fe, a mfa'a ya nte'an avute ya bo mvean avut, to akekep biwôlé e ne te mvusan, to di e ne mbubane fandé été, to di b'ajine mendim, a mfa'a ya mevale me ave'e mese a mevim mese; 30 be tebe fe tyé ése a ve Jehova akéva a kañe nye, nalé fe mam me ngô'é; 31 be tyi'i fe Jehova mimveane mise b'adi'i nduan, melu me sabbat, a meté bengon, a befête be ne mintiñetan, mam mete me bo tañ aval metiñe ya été me né, be bo nalé melu mese asu Jehova; 32 be ba'ale fe ésaé ya ba'ale nda éndelé ya bisulan, a ésaé ya ba'ale bone be Aaron bobenyañe bap, mfa'a ya ésaé nda Jehova.

24 Mina mi ne minsamba mi ne mintiñetan mfa'a ya bone be Aaron. Bone be Aaron : Nadab ba Abihu, Éléazar ba Ithamar. 2 Ve Nadab ba Abihu be nga wu, éyoñ éte ésa wop a ngenan te wu, te bi bon: ajô te Éléazar ba Ithamar be nga bo ésaé ya éto prêtre. 3 Nde David ba Tsadok môte ya bone be Éléazar, a Achimélec môte ya bone be Ithamar, be nga kape be mfa'a ya ésaé jap aval ane nkômane wop ô mbe. 4 Ane be nga viane yene bôte ya ôsu abui be bone be Éléazar a dañe ba ya be bone be Ithamar; nde be nga kape be avale di: mfa'a ya be Éléazar, be mbe awôm a besaman, minlô mi bôte ya menda beésa; a mfa'a ya bone be Ithamar, mwom, aval ane menda me bôte ya beésa bap me né. 5 Nalé be nga kaban a asimba, avale di e fulan a di vok; amu bivete ya nda ya étyi bi nga to, a bivete ya Zambe, bibaane bi so'o be bone be Éléazar, a be bone be Ithamar. 6 Ane Schemaeja mone Nethaneel ntili bekalate, a to môte ya Belévite, a nga tili be njô bôt a to, a bivet, a Tsadok prêtre, a Achimélec mon Abiathar, a minlô mi bôte ya menda beésa mfa'a ya beprêtre a Belévite; nda bôte ya beésa jia é nyoñeba'an mfa'a ya Éléazar, a jia é nyoñeba'ane mfa'a ya Ithamar.

7 Nde ngap asimba ya ôsu é nga kui be Jehojarib, nyô baa be Jedaeja, 8 nyô lale be Harim, nyô nyini be Seorim, 9 nyô tane be Malkija, nyô samane be Mijamin, 10 nyô zañbwale be Hakkots, nyô mwomô be Abija, 11 nyô ébulu be Josué, nyô awômô be Schecania, 12 nyô awôm a jia be Éliaschib, nyô awôm a baa be Jakim, 13 nyô awôm a lale be Huppa, nyô awôm a nyini be Jeschébeab, 14 nyô awôm a tane be Bilga, nyô awôm a samane be Immer, 15 nyô awôm a zañbwale be Hézir, nyô awôm a mwômô be Happitsets, 16 nyô awôm a ébulu be Pethachja, nyô mewôm mebaa be Ézéchiel, 17 nyô mewôm mebaé a jia be Jakin, nyô mewôm mebaé a baa be Gamul, 18 nyô mewôm mebaé a lale be Delaja, a nyô mewôm mebaé a nyini be Maazia. 19 Nkômane wope ya ésaé jap ñwô le, ane b'aye nyin nda Jehova, aval ane atiñ Aaron ésa wop a nga ve be e mbe, aval ane Jehova, Zambe ya Israël, a nga tiñeti nye.

20 A mfa'a ya ba bevo'o ya bone be Lévi: mfa'a ya bone be Amram, Schubaël; mfa'a ya bone be Schubaël, Jechdia. 21 Mfa'a ya Rechabia: mfa'a ya bone be Rechabia, Jischija môte ya ôsu. 22 Mfa'a ya Bejitseharite, Schelomoth; mfa'a ya bone be Schelomoth, Jachath. 23 A bone be Hébron: Jerija môte ya ôsu, Amaria nyô baa, Jachaziel nyô lale, Jekameam nyô nyini. 24 Bone be Uziel, Michée; mfa'a ya bone be Michée, Schamir. 25 Monyañe Michée, Jischija; mfa'a ya bone be Jischija, Zacharia. 26 Bone be Merari: Machli ba Muschi; bone be Jaazija: Beno. 27 Bone be Merari: be Jaazija, Beno, a Schoham, a Zaccur, a Ibri. 28 Be Machli: Éléazar, nyô a mbe te bo be fam. 29 Be Kis; bone be Kis: Jerachmeel. 30 A bone be Muschi: Machli, a Éder, a Jerimoth. Balé bete be mbe bone be Belévite aval ane menda me bôte ya beésa bap me né. 31 Mbe bete fe be nga bo asimba avale fe ane bobenyañe bap bone be Aaron, David njô bôt a to, a Tsadok, a Achimélec, a minlô mi bôte ya menda beésa mfa'a ya beprêtre a Belévite; menda me bôte ya beésa be nyô a ne ôsu avale fe ane ma ya be monyañe wé a ne mongô.

25 Nalé fe na, David ba be bivete ya nsamba mewosan be nga télé mfa'a ya ésaé Zambe bôte bevo'o ya bone be Asaph, a be Héman, a be Jeduthun, mbe b'aye kulu mejô be bili memvet, a bingombé, a biwoé: a tañe ya ba be nga bo ésaé éte aval ane ésaé jap é mbe é ne na: 2 be bone be Asaph: Zaccur, a Joseph, a Nethania, a Aschareéla, bone be Asaph, Asaph a jôô be, mbe be nga bo be kulu'u mejô aval ane njô bôt a nga tiñeti. 3 Be Jeduthun; bone be Jeduthun: Guedalia, a Tseri, a Ésaïe, Haschabia, a Matthithia, besaman, ésa wop Jeduthun a jôô be a be bili memvet, mbe

be nga bo be kulu'u mejô zene ya ve Jehova akéva a kañe nye. 4 Be Héman; bone be Héman: Bukkija, Matthania, Uziel, Schebuel, a Jerimoth, Hanania, Hanani, Éliatha, Guiddalthi, a Romamthi-Ézer, Joschbekascha, Mallothi, Hothir, Machazioth. 5 Balé bete bese be mbe bone be Héman ñyene mame ya be njô bôt mfa'a ya mejô me Zambe, ane b'aye bete nla'a yôp. Ane Zambe a nga ve Héman bo be fam awôm a benyin a bengone bela. 6 Balé bete bese ésa wop a nga jôô be be yia bia nda Jehova été, be bili biwoé, bingombé, a memvet, mfa'a ya ésaé ya nda Zambe; Asaph, Jeduthun, a Héman be wô'ô njôan njô bôt. 7 Tañe ya été, a fulane bobenyañe bap be mbe ñye'elan ñyiane bia be Jehova, ba bese be mbe atyeñ, é mbe bôte mintete mibaé mewôm mwom a mwom. 8 Nde be nga bo asimba mfa'a ya nyoñe bito biap, bese avale da, ba be ne tyôtyoé aval ane ba be ne anen, ñye'ele aval ane ñye'é.

9 Ngap asimba ya ôsu é nga kui mfa'a ya Asaph be Joseph: nyô baa be Guedalia; émien a bobenyañe bé a bone bé be mbe bôt awôm a bebaé: 10 nyô lale be Zaccur, bone bé a bobenyañe bé, bôt awôm a bebaé: 11 nyô nyini be Jitseri, bone bé a bobenyañe bé, bôt awôm a bebaé: 12 nyô tane be Nethania, bone bé a bobenyañe bé, bôt awôm a bebaé: 13 nyô samane be Bukkija, bone bé a bobenyañe bé, bôt awôm a bebaé: 14 nyô zañbwale be Jesareéla, bone bé a bobenyañe bé, bôt awôm a bebaé: 15 nyô mwomô be Ésaie, bone bé a bobenyañe bé, bôt awôm a bebaé: 16 nyô ébulu be Matthania, bone bé a bobenyañe bé, bôt awôm a bebaé: 17 nyô awômô be Schimeï, bone bé a bobenyañe bé, bôt awôm a bebaé: 18 nyô awôm a jia be Azareel, bone bé a bobenyañe bé, bôt awôm a bebaé: 19 nyô awôm a baa be Haschabia, bone bé a bobenyañe bé, bôt awôm a bebaé: 20 mfa'a ya nyô awôm a lale, Schubaël, bone bé a bobenyañe bé, bôt awôm a bebaé: 21 mfa'a ya nyô awôm a nyini, Matthithia, bone bé a bobenyañe bé, bôt awôm a bebaé: 22 mfa'a ya nyô awôm a tane be Jerémoth, bone bé a bobenyañe bé, bôt awôm a bebaé: 23 mfa'a nyô awôm a samane be Hanania, bone bé a bobenyañe bé, bôt awôm a bebaé: 24 mfa'a ya nyô awôm a zañbwale be Joschbekascha, bone bé a bobenyañe bé, bôt awôm a bebaé: 25 mfa'a ya nyô awô a mwomô be Hanani, bone bé a bobenyañe bé, bôt awôm a bebaé: 26 mfa'a ya nyô awôm a ébulu be Mallothi, bone bé a bobenyañe bé, bôt awôm a bebaé: 27 mfa'a ya nyô mewôm mebaa be Élijatha, bone bé a bobenyañe bé, bôt awôm a bebaé: 28 mfa'a ya nyô mewôm mebaé a jia be Hothir, bone bé a bobenyañe bé, bôt awôm a bebaé: 29 mfa'a ya nyô mewôm

mebaé a baa be Guiddalthi, bone bé a bobenyañe bé, bôt awôm a bebaé: 30 mfa'a ya nyô mewôm mebaé a lale be Machazioth, bone bé a bobenyañe bé, bôt awôm a bebaé: 31 mfa'a ya nyô mewôm mebaé a nyini be Romamthi-Ézer, bone bé a bobenyañe bé, bôt awôm a bebaé.

26 Mfa'a minsamba ya beba'ale mimbé: be Bekoréite, Meschélémia mone Koré, môte ya bone be Asaph. 2 Meschélémia a nga bili bon: Zacharie ntô, Jediaël nyô baa, Zebadia nyô lale, Jathniel nyô nyini, 3 Élam nyô tane, Jochanan nyô samane, Éljoénaï nyô zañbwale. 4 Obed-Édom a nga bili bon: Schemaeja ntô, Jozabad nyô baa, Joach nyô lale, a Sacar nyô nyini, a Nethaneel nyô tane, 5 Ammiel nyô samane, Issacar nyô zañbwale, Peulthaï nyô mwomô; amu Zambe a nga botane nye. 6 Nalé fe bon be nga bialé be Schemaeja mone wé, be nga jôô nda bôt ésa wop; amu be mbe biwôlô bi bôte ya ayok. 7 Bone be Schemaeja: Othni, a Relphaël, a Obed, Elzabad, nnye bobenyañ be mbe biwôlô bi bôt, Élihu, a Semaeja. 8 Balé bete bese be mbe bôte ya bone be Obed-Édom: bebien a bobenyañe bap, benya bôtô ya ngu mfa'a ya mboan ésaé; bôte mewôm mesaman a bebaé be so'o be Obed-Édom. 9 Meschélémia a nga bili bon a bobenyañ, biwôlô bi bôt, bôt awôm a mwom. 10 Nalé fe Hosa, môte ya bone be Merari, a nga bili bon : Schimri môte ya ôsu (amu a kôsa bo a nji bo ntô, ve ésaé wé a nga télé nye môte ya ôsu), 11 Hilkija nyô baa, Thebalia nyô lale, Zacharie nyô nyini: bon a bobenyañe be Hosa bese be mbe bôt awôm a bela.

12 Minsamba ya beba'ale mimbé mi nga so be be bôte ya ôsu, be bili bito bisaé aval ane bobenyañe bap, be bo ésaé nda Jehova été. 13 Ane be nga bo asimba, ba be ne tyôtyoé aval ane ba be ne anen, aval ane menda me bôte ya beésa bap me né, mfa'a ya kape beta mbé ase. 14 Ngap asimba mfa'a jôp d'atôô é nga kui be Schélémia. Wôna be nga bo asimba mfa'a ya Zacharie mone wé, a to ntyetyeñ mbôndé mefek; nde ngap asimba jé é nga liti mfa'a ya nord. 15 Be Obed-Édom mfa'a ya sud; a be boné bé, nda b'anaane biôm. 16 Be Schuppim ba Hosa mfa'a jôp d'adim, bébé mbé aka'a ya Schalléketh, mfa'a ya mfaka w'abete yôp, nsamba bemombô ô to wu mbo'o zôsô yat. 17 Mfa'a jôp d'atôô Belévite besaman be nga to, mfa'a ya nord môse wua benyin, mfa'a ya sud môse wua benyin, a mfa'a ya nda b'anaane biôm bebaé bebaé. 18 Mfa'a Parbar mfa'a jôp d'adim, benyin be to mfaka,

a bebaé be to Parbar. 19 Minsamba ya beba'ale mimbé, mmie le; mfa'a ya bone ya Bekoréite, a mfa'a ya bone be Merari.

20 Mfa'a ya Belévite, Achija a mbe mba'ale akume ya nda Zambe, a ba'ale fe akume ya biôm bi mbe ntelan étyi be Zambe. 21 Bone be Laedan, bone Beguerschonite be ne bôte ya Laedan, minlô mi bôte ya menda beésa mi to bôte ya Laedan mone Guerschonite: Jehiéli. 22 Bone be Jehiéli: Zetham, a Joël monyañe wé, be mbe beba'ale akume ya nda Jehova. 23 Mfa'a ya Beamramite, mfa'a ya Bejitseharite, mfa'a ya Behébronite, mfa'a ya Beuziélite: 24 a Schebuel mone Guerschom, mone Moïse, a mbe njôô akum. 25 A bobenyañe bé: mfa'a ya be Éliézer Rechabia mone wé a nga so, a Ésaïe mone wé, a Joram mone wé, a Zicri mone wé, a Schelomoth mone wé. 26 Schelomoth ate ba be bobenyañe bé be mbe beba'ale akum ese ya biôm bi mbe ntelan étyi be Zambe, mbie David njô bôt, a minlô mi bôte ya menda beésa, bivete ya betoyini a bi ya mintet, a bivete ya nsamba mewosan, be nga télé étyi be Zambe. 27 Biôm be nga sa mewosan, mbie be nga télé étyi be Zambe na, bi aye kôm nda Jehova. 28 Nalé fe biôm bise Samuel ñyem mam, a Saül mone Kis, a Abner mone Ner, a Joab mone Tseruja, be nga télé étyi be Zambe, nyô ase a nga télé jôm éziñ étyi, jôm éte é nga bo jôme Schelomoth a ba'ale, ba be bobenyañe bé.

29 Mfa'a ya Bejitseharite, Kenania ba be bone bé be nga to bôt b'ajôô Israël mfa'a mame ya atan, be bo bivet a betyi'i mejô. 30 Mfa'a ya Behébronite, Haschabia ba be bobenyañe bé, bôte ya ayok, bôte betoyini wua a mintete zañbwa, be nga bo ésaé ya jom Israël Jourdain yat mfa'a jôp d'adim, be bo mam mese ya Jehova, a bisaé bi njô bôt. 31 Mfa'a ya Behébronite, Jerija a mbe môte ya ôsu, a ne na, Behébronite, aval ane miaé mi né, aval ane menda me bôte ya beésa me né. Be nga jeñe be mbu mewôm menyini David a nga jôô, a be nga koé biwôlô bi bôte ya ayo'o be be, mfa'a ya Jaezer ya Galaad. 32 A bobenyañe bé, bôte ya ayok, be mbe bôte betoyini bebaé a mintete zañbwa, minlô mi bôte ya menda beésa, mbe David njô bôt a nga télé ane bivete ya Berubénite, a Begadite, a éfas ayoñe Manassé, mfa'a ya jam ese e ne di ya Zambe, a mfa'a mame ya njô bôt.

Rev. Matthias
Secrétaire Général

27 Bone be Israël aval ane tañe jap é né, be ne na, minlô mi bôte ya menda beésa a bivete ya betoyini a bi ya mintet, a bivete biap bi nga saé be njô bôt, mfa'a ya jam éziñe ya minsamba mi nga bo mi za'ak a ke ataté ngone jia akui ngone fok, bengone bese ya mbu—nsambe ôse ô mbe bôte betoyini mewôm mebaé a benyin. 2 Môt a nga jôô nsamba ya ôsu ngone ya ôsu a mbe Jaschobeam mone Zabdiel: a bôt be nga to nsamba wé betoyini mewôm mebaé a benyin. 3 A mbe môte ya bone be Pérets, môte ya ôsu bivete ya nsamba mewosan bise ngone ya ôsu. 4 Môt a nga jôô nsamba ya ngone baa a mbe Dodaï mon Achochite, a nsamba wé: a Mikloth évet: a bôt be nga to nsamba wé betoyini mewôm mebaé a benyin. 5 Evete lale ya nsamba mewosan ngone lale é mbe Benaja, mone Jehojada prêtre, môte ya ôsu: a bôt be nga to nsamba wé betoyini mewôm bebaé a benyin. 6 Benaja ate le, nyô a mbe éwôlô môt ébien nsamba ya mewôm mela, a to nsamba mewôm mela ôte ôsu: a Ammizabad mone wé a mbe môte ya nsamba wé. 7 Evete nyini ngone nyini é mbe Asaël monyañe Joab, a Zebadia mone wé a nga tôé nye: a bôt be nga to nsamba wé betoyini mewôm mebaé a benyin. 8 Evete tane ngone tane é mbe Schamehuth mone Jizrachite: a bôt be nga to nsamba wé betoyini mewôm mebaé a benyin. 9 Evete samane ngone samane é mbe Ira mon Ikkesch mone Tekoïte : a bôt be nga to nsamba wé betoyini mewôm mebaé a benyin. 10 Evete zañbwale ngone zañbwale é mbe Hélets mone Pelonite, môte ya bone be Éphraïm: a bôt be nga to nsamba wé betoyini mewôm mebaé a benyin. 11 Evete mwomô ngone mwomô é mbe Sibbecaï mone Huschatite, môte ya Bezérachite: a bôt be nga to nsamba wé betoyini mewôm mebaé a benyin. 12 Evet ébulu ngon ébulu é mbe Abiézer môte ya Anatoth, môte ya Bebenjamite: a bôt be nga to nsamba wé betoyini mewôm mebaé a benyin. 13 Evet awômô ngon awômô é mbe Maharaï môte ya Nethopha, môte ya Bezérachite: a bôt be nga to nsamba wé betoyini mewôm mebaé a benyin. 14 Evet awôm a jia ngon awôm a jia é mbe Benaja môte ya Pirathon, môte ya bone be Éphraïm: a bôt be nga to nsamba wé betoyini mewôm mebaé a benyin. 15 Evet awôm a baa ngon awôm a baa é mbe Heldai môte ya Nethopha, môte ya be Othniel: a bôt be nga to nsamba wé betoyini mewôm mebaé a benyin.

16 Nalé fe na bôt be nga jôô meyoñe me Israël: mfa'a ya Berubénite, Éliézzer mone Zicri a mbe njôô: mfa'a ya Besiméonite, Schephathia mone Maaca: 17 mfa'a ya Lévi, Haschabia mone Kemuel: mfa' a ya Aaron, Tsadok: 18 mfa'a ya Juda, Élihu, môte wua ya bobenyañe be David: mfa'a ya Issacar, Omri mone Micaël: 19 mfa'a ya

Zabulon, Jischemaeja mon Abdias: mfa'a ya Nephthali, Jerimoth mon Azriel: 20 mfa'a ya bone be Éphraïm, Hosée mon Aziza: mfa' éfas ayoñe ya Manassé, Joël mone Pedaja: 21 mfa' éfas ayoñe ya Manassé Galaad, Jiddo mone Zacharie: mfa'a ya Benjamin, Jaasiel mon Abner: 22 mfa'a ya Dan, Azareel mone Jerocham. Balé bete be mbe bivete meyoñe me Israël. 23 Ve David a nji lañe be ataté ba be mbe mimbu mewôm mebaé a bulan mvus, amu Jehova a nga jô na, a ye nene Israël aval ane ateté ya yôp. 24 Joab mone Tseruja a nga taté lañ, ve a nji sondô; a ayaa e nga kui be Israël amu jam ete: nalé fe tañ éte é nji futiban ajô be nga tili mintilane ya njô bôte David été.

25 Azmaveth mon Abdiel a mbe njôô ya akum njô bôt: a Jonathan mon Ozias a mbe njôô ya akum e ne mefup, a minlam, a ma, a alem été: 26 a Ezri mone Kelub a mbe njôô ya ba be nga bo ésaé mefup mfa'a ya saé bidi si: 27 a Schimeï môte ya Rama a mbe njôô ya mefupê mindik: a Zabdi môte ya Schepham a mbe njôô ya bibuma bi aso mefupe mindik bi ake bitune menda bi ne mfa'ane si été vôm b'aba'ale vin: 28 a Bala-Hanan môte ya Guédar a mbe njôô ya bilé beolivier a besycomore bi nga to mfa'a ya nje'ese: a Joasch a mbe njôô ya bitune menda bi ne mfa'ane si été vôm b'aba'ale mbon: 29 a Schithraï môte ya Saron a mbe njôô ya mimbam binyaka mi nga bo mi ja'a Saron: a Schaphath mon Adlaï a mbe njôô ya mimbam binyaka mi nga to mimibi'ili: 30 a Obil mon Ismaélite a mbe njôô ya bechameau: a Jechdia môte ya Méronoth a mbe njôô ya bijakas: a Jaziz mone Hagarénien a mbe njôô ya mimbam mintômba. 31 Balé bete bese be mbe bejôô ya biôm bi mbe bi ya njô bôte David.

32 Nalé fe Jonathan, ésa mongô David, a mbe mbôndé mefek, mfefe'e mô, a ntili bekalate; a Jehiel mone Hacmoni a nga to be bo be fam be njô bôt: 33 a Achitophel a mbe mbôndé mefe'e ya njô bôt: a Huschaï mon Arkien a mbe mvôé njô bôt: 34 a mô a nga tôé Achitophel a mbe Jehojada mone Benaja, ba Abiathar: a évete ya nsamba mewosan njô bôt é mbe Joab.

28 Ane David a nga sulane bivete bise ya Israël, bivete ya meyoñ, a bivete ya minsamba mi nga bo njô bôt ésaé aval ane nsamba wop ô né, a bivete ya betoyini, a a bivete ya mintet, a bejôô ya akum ese a biôm bise njô bôt ba be bone bé be nga

Rev. Matthias

Saménié, Général

bili, a fulane fe bone bivet, a biwôlô bi bôt, e ne na, biwôlô bi bôte ya ayo'o bise, mfa'a ya Jérusalem. 2 Eyoñ éte David njô bôt a nga tebe tetele mebo mé, a jô na, Vo'ôlane ma, A bobejañ, a bôte bam: mfa'a wom, éfia é nga to me nleme na, me lôñ éwolo élate ya Jehova nda ya wo'an, a jôm Zambe wongan a beté mebo mé; me nga mane fe kômesan ajô nda éte. 3 Ve Zambe a nga jô me na, W'aye lôñe jôé dam nda, amu ô ne môta bita, a ô kuluya metyi. 4 A kôsa bo nalé, Jehova, Zambe ya Israël, a nga tope me nda bôt ésa wom ése été na, me bo njô bôt be Israël nnôm éto: amu a tobeya Juda a bo évet; ane a nga yen mvaé be ma nda bôte ya Juda été, nda bôte ya ésa wom, a bo be fame ya ésa wom été, na, a télé me njôô ya jôô Israël ase: 5 a bo be fam bam bese (amu Jehova a vey a me bo be fam abui), a tobeya Salomon mone wom a tabe si éto njôô ya ayoñe Jehova, a jôô Israël. 6 Ane a nga jô me na, Salomon mone wôé, nnye a ye lôñ nda jam a minseñe miam; amu me tobeya nye a bo me mon, a me m'aye bo nye ésa. 7 Nde m'aye yemete njôane wé nnôm éto, nge a ye bo mbane ya bo metiñe mam a minjôane miam, aval ane môse wu. 8 Ajô te éyoñe ji, mise me Israël ase, ngum ésulane ya Jehova, a melo me Zambe wongan été, mi ba'ale a jeñe metiñe me Jehova Zambe wônan mese; nde te mi aye bi mbamba si nyô ane jôme jenan, a li'i je é bo ngap be bone benan b'aye tôñe mia nnôm éto.

9 A wo, A Salomon mone wom, yeme'e Zambe ya éso, a bo nye ésaé a nlem ô ne zôsô a nlô w'akañese mam mé; amu Jehova a bi'ili minlem mise, a yem befe'e ya minsimesan bese. Nge w'ajeñe nye, a ye yené be wo, ve nge w'ajô'é nye, a ye wua wo fé nnôm éto. 10 Tabe'e ntye éyoñe ji; amu Jehova a tobeya wo na, ô lôñ nda é bo étyi: bo'o ngu, a bo jam ete.

11 Eyoñ éte David a nga ve Salomon mone wé éve'ela'a mbala'a si ya temple, a menda ya été, a bitun b'anaan akum été, a bitune ya yôp, a bitune ya nda été, a vôme ya éto éngôngo; 12 a évela'a ya biôm bise a nga nyoñe be Nsisim, mfa'a miseñe ya nda Jehova, a mfa'a bitune menda bise bi abôman été, mfa'a bitune ya nda Zambe b'anaan akum, a mfa'a bitun b'anaane biôm bi ne ntelan étyi be Zambe; 13 nalé fe mfa'a minsamba ya beprêtre a Belévite, a mfa' ésaé ése ya mboane mame ya nda Jehova, a mfa'a bisua bise ya ésaé nda Jehova été; 14 or a to mve'ane kop mfa'a ya bisua bi or, mfa'a bisua bise ya bisaé mevale meva; argent a to mve'ane kop mfa'a ya bisua bi argent bise, mfa'a bisua bise ya bisaé mevale meva; 15 or fe a to mve'ane kop mfa'a ya bibi bifufup bi or, a mfa'a belampe ya été,

or ate a to mve'ane kop mfa'ébi éfufup ése a belampe ya été; a mfa'a ya bibi bifufup bi argent, argent ate a to mve'ane kop mfa'a ébi' éfufup ése a belampe ya été, aval ane ébi éfufup ése j'abo ésaé; 16 a or a to mve'ane kop mfa'a ya betawôlô be fembé ya nltan, mfa'a tawôlô ase; a argent mfa'a ya betawôlô be argent; 17 a alume ya minsôn, a befandé, a bilaé, bi to nya or; a mfa'a ya bido'o bisua bi or, or ate a to mve'ane kop mfa'a ya édo' ésua ése; a mfa'a ya bido'o bisua bi argent, argent ate a to mve'ane kop mfa'a ya édo' ésua ése; 18 a or a maneya nyeme nduan a to mve'ane kop mfa' autel ya enscens; a or mfa'a ya éve'ela'a wagon, é ne na, bechérubin, ba be nga same mefap ne lama, a buti éwolo élate ya Jehova. 19 David a nga jô na, Biôm bite bise mbie me yemeya a ntilan w'aso wo ya Jehova, e ne na, bisaé bise ya éve'ela'a ji.

20 Ane David a nga jô Salomon mone wé na, Bo'o ngu a ayo'o nlem, a bo jam ete: te ko woñ, nge fô'ôban; amu Jehova Zambe, Zambe wom, a ne be wo; a ye ke li'i wo, nge kandane wo, akekui ésaé ése ya mboan nda Jehova j'aye man. 21 O tame fe yen, minsamba ya beprêtre a Belévite mi ne été, mfa'a ésaé ése ya nda Zambe: nalé fe mô't ase nlem w'anye'e, a to fe atyeyé mfa'a ya bo aval ésaé ése, a ye tabe be wo mevale bisaé mese été: bivete fe a bôte bese b'ayange wô'ô ve atiñe dôé.

29 Ane David njô bôt a nga jô ngum ésulan ôse na, Salomon mone wom, nyô étam Zambe a nga top, a ngenane mongô a nte'an, ésaé ke é ne anen; amu beta nda ate a nji bo mfa'a ya mô't, ve mfa'a Jehova Zambe. 2 Eyoñe ji me maneya kômesane biôm a ngule jam ése mfa'a nda ya Zambe wom, or mfa'a ya biôm bi or, a argent mfa'a ya biôm bi argent, a mvot mfa'a ya biôm bi mvot, étyé mfa'a ya biôme ya élé; meko'o me onyx, a meko'o b'abem, a meko'o b'asop, a ma ya menyôle mevale meva, a meko'o me ne édima mevale mese, a meko'o me marbe abui abui. 3 Nalé fe na, amu me dañeya nye'e nda ya Zambe wom, vôm me bili akume dam mamien, di ya or a argent, m'ave de mfa'a nda ya Zambe wom, e to biôm bise me maneya kômesan nda ya étyi tañe yôp, 4 e ne na, betalent be or betoyini bela, or ya Ophir, a betalent ya argent be nga nyeme nduan betoyini zañbwa, nnye ate b'aye yañe nye mimfine menda; 5 or mfa'a ya biôm bi or, a argent mfa'a ya biôm bi argent, a mfa'a mevale bisaé mese mo mintyetyeyé m'aye bo. Nde za a ye ve a nye'an ôse na, a télé émien étyi môse wu be Jehova ?

6 Eyoñ éte bivete ya menda me bôte ya beésa, a bivete ya meyoñe me Israël, a bivete ya betoyini a bi ya mintet, a fulane bejôô be nga jôô ésaé njô bôt, be nga ve a nye'an ôse; 7 ane be nga ve mfa' ésaé ya nda Zambe betalent be or betoyini betan a bedarique betoyini awôm, a betalent be argent betoyini awôm, a betalent ya mvot betoyini awôm a mwom, a betalent ya étyé betoyini ntet. 8 A ba be nga koé be bili meko'o me ne édima be nga ve me mfa' akume ya nda Jehova, Jehiel mone Guerschonite a ba'ale me. 9 Eyoñ éte bôt be nga vak, vôm be nga ve a nye'an ôse, amu be nga ve Jehova a benya minleme, be nyeke'e: a David njô bôt a nga va'a fe beta mva'an.

10 Ajô te David a nga botane Jehova ngum ésulan ôse ô lô, ane David a nga jô na, Ebotan a wo, A Jehova, Zambe ya Israël ésa wongan, nnôm éto a nnôm éto. 11 A Jehova, anen, a ngu, a étôtok, a ndañan, a éjjin, bi ne émbiôé: amu biôm bise bi ne yôp été a si nyô bi ne émbiôé: njôan ô ne fe éñwôé, A Jehova, a ô ne mbetane yôp nlô ya biôm bise. 12 Akum ba дума bibaane bi aso be wo, a w'ajôô biôm bise; ngu a éwôlô bi ne wo wôé été; wo wôé ñwô w'ave anen, a ve biôm bise ngu. 13 Ajô te éyoñe ji, A Zambe wongan, bi ave wo akéva, a se'e jôé dôé e ne étôtok. 14 Ve ma me ne za, bôte bam ke jé, ane bi ne ngule ya ve a nye'an ôse avale di ? amu biôm bise bi aso be wo, a bi maneya ve wo biôm biôé womien. 15 Amu bi ne bejin asu dôé, a mintabe, aval ane beésa bangan bese be nga to: melu mangan bi atabe me si nyô me ne ve aval ane nsisiñ, a éto kom é ne momo. 16 A Jehova Zambe wongan, abim ese di bi maneya kômesane na, bi lôñe wo nda mfa'a ya jôé dôé e ne étyi d'aso wo wôé été, ese te fe e ne ve éndôé. 17 A Zambe wom, m'ayeme fe na, ô wô'ô ve'ele nlem, a w'ayene zôsô mvaé. Mfa'a wom, amu zôsô ya nleme wom, nnye ate me veyá nye biôm bite bise a nye'an ôse: a éyoñe ji me yeneya a meva'a na, bôte bôé be ne va, b'ave fe wo a nye'an ôse. 18 A Jehova, Zambe ya Abraham, nyô ya Isaac, a nyô ya Israël, betate bangan, ba'ale'e jame di nnôm éto fe'e minsimesane ya nleme ya bôte bôé été, a kôm minlem miap be wo; 19 ô ve fe Salomon mone wom nlem ô ne nya zôsôô, a ba'ale metiñe môé, minjôane miôé, a memvinda môé, a bo fe mam mete mese, a lôñe beta nda, nyô me maneya kômesane biôm.

20 Ane David a nga jô ngum ésulan ôse na, Eyoñe ji bota'ane Jehova Zambe wônan. A ngum ésulan ôse ô nga botane Jehova, Zambe ya beésa bap, a lui minlô miape si, a kañe Jehova a njô bôt. 21 Ane be nga tyi'i Jehova biôm, a tyi'l Jehova mimvean b'adi'i nduan, tyé kpwa ya môs ôte, bi mbe na, beyôm binyaka toyini wua,

beyôm mintômba toyini wua, bone mintômba toyini wua, a fulane fe mimveane binyunyui ya éte a biôm b'atyik abui mfa'a Israël ase, 22 nalé be nga di a nyu asu Jehova môs ôte a meva' abui.

Ane be nga télé Salomon mone David njô bôt atelé baa, a wo'o nye mbon be Jehova a bo évet, a Tsadok a bo prêtre. 23 Eyoñ éte Salomon a nga tabe éto njô ya Jehova, a bo njô bôt éjiane David ésa wé, mam mé mese ve ke ôsu; a Israël ase a nga ve nye mewôk. 24 Ane bivete bise, a biwôlô bi bôt, nalé fe bone be David njô bôt bese, be nga suu bebiene si a wô'ô Salomon njô bôt. 25 Ane Jehova a nga dañe nene Salomon mise me Israël ase, a ve nye aval étoto' éto njô bôt e nji tame kui be njô bôt éziñ a nga to nye ôsu Israël éte.

26 David mon Isaï a nga jô Israël ase. 27 A nga jô Israël nté mimbu mewôm menyin; a nga jô bôt Hébron mimbu zañbwa, a jô fe bôt Jérusalem mimbu mewôm mela a mila. 28 Ane a nga wu a to nya mbamba mvendéé, njalane melu, a akum, a дума ne lut! a Salomon mone wé a nga jô éto jé. 29 Mimboan David njô bôt a nga bo, atata'a a asu'ulan, ô lô, mi ne ntilane mejô me Samuel ñyene mam éte, a mejô me Nathan nkulu mejô éte, a mejô me Gad ñyene mam éte, 30 a mam mese ya njôane wé a ngule jé, a biyoñ bi nga lôte nye yôp, a Israël yôp, a meyoñe mese ya mesi mefe yôp.

Rev. Matthias
Secrétaire Général